

CORNVCOPIAE IO. RAVI-
SII TEXTORIS

EPITOME.

*

Quæ res quibus orbis locis abundè pro-
ueniant, alphabetico ordine
complectens.



LVGDVNI, APVD HAERED.
SEB. GRYPHII.

1560.

R. F.

Amphitryoniadem mouit Calydonius annie
Fortia pro molli praelia Marte gerens.
Non tulit Alcides inuictum tam male uinci,
Quam bene uictori Deianira fuit.
Dum fugit in formas, tauriq; in imagine pugnat,
Et uictus mugit trux Achelous humi,
Iam simul et pulchram cum cornu perdit amicam:
Nonnuhil at laudis frons lacerata dedit.
Fudit opes uarias pleno bona copia cornu,
Et sacrata suis pendet adusq; tholis.
Quam reparat Textor totum dum permeat orbem,
Omnia perlustrans ut meliora ferat.
Hos texit flores solus quos nouit Apollo,
Quosq; suis hortis clara Minerva legit.
Victor Alexicacus domitor uirtute laborum
Pandit Textori quò uia laudis eat.

AD DOCTISSIMUM

VIRVM BLASIVM MADRO-

NETVM IOAN. RAVISII

TEXTORIS EPI-

GRAMMA.

*



Vlla' ne librorum poterit satiare supellex,
Nulla tuam Blasi bibliotheca sitime?
Non adeò feruet, quem læsit aquatica dipsas,
Aut bibitis Hydrops insaturatus aquis:
Vt tibi perpetuis studijs furiosa cupido

Crescit, & ad Musas impetuosus amor.

Si facis hoc, multo ut possis ditescere lucro,

Magnarumq; tibi crescat aceruus opum,

Desine: te noster poterit saturare libellus,

Sis licet inmani Crassus auaritia:

Omnia munifico dabit hæc tibi copia cornu,

Et Phrygio poteris ditior esse Iaida.

Vis aurum & gemmas? Est gemmis diues & auro.

Vis ferrum & chalybem? ferrum habet, & chalybem.

Fingere uis statuas? Bimaris dabit æra Corinthi.

Queris habere rosas? floret ubiq; rosis.

Vis armenta? dabit Spartani armenta Galeffi.

Queris mella? dabit quicquid Hymettus habet.

Vngere uis crines, uel corpus aromate? plena est.

Queris aues? auibus plena & operta sonat.

Queris opes alias? Rhodium tibi proferet imbrem.

Vis cerasos? cerasis plurima ubiq; rubet.

Vis mensas? Mauri citrum tibi mittet Atlantis.

Prunæ dabit quicquid præca Damascus alit.
 Dat cedros Libani, dat quas parit Ida, cupressos,
 Cynnama, quæ mittit diues odoris Arabs.
 Lucrini conchas, Graiæ Sicyonis alutam,
 Hic dabit Argos equos, India diues ebur.
 Electrum Aethiopes, fruges Cerealis Eleusis,
 Hybla fauos, flores Enna, uetusq; Samos.
 Ostrum antiqua Tyros, lanas imbellæ Tarentum,
 Saffina lac, Memphis stamina, Sparta canes.
 Ne tuæ maiores remorentur seria nugæ,
 Hoc licet exiguo munere diues eris.
 Non tot opes habuit Babylon, non præca Corinthus,
 Non tot sceptriferi possidet arca Iouis.

CORN

CORNVCOP- PIAE IO. RAVISII

TEXTORIS

EPITOME.



PRAEFATIO.



ON uideo, unde sequens opusculum (quod à rerum multitudine CORNVCOPIAE, appellare libuit) commodius, ac decenter magis auspicari liceat, quàm ab Auro. Scribit Plinius, Senatum Romanum longo tempore exiguum habuisse aurum: adeo, ut quum à Gallis capta urbe pax emeretur, non plus quàm mille pondò dari potuerint. Homerus scribit, Viros olim crinibus aurum implicuisse: ut nunc frequens est, & peculiare Anglis, aureas catenas collo inuolutas ostentare. Gallos cum auro pugnare solitos Torquatus est indicto. In Quintiorum familia aurum nec foeminas quidem habere moris fuit. Romani, auxiliares externos torquibus aureis donauere, ciuicos non nisi argenteis: Creuit paulatim omnium rerum luxuria, quum homines gustato uoluptatis succo lapsi sunt in ebrietatem. Nam Bruti temporibus, mulieres pedibus aurum gestare coeperunt, nedum collo & digitis. Poppæa Neronis uxor soleas aureas suis equis fecisse legitur. Antonius Triumuir corporis excrementa non nisi uasis aureis excipiebat. Ferunt Agomencelum, Alexandri magni praefectum, aureis clauis crepidas suffixisse. Aureus nummus post annum LXXI. percussus est, quàm argenteus. Spartacus interdixit castris suis, ne quis aurum haberet, aut argentum. In Tygris alueo oppidum est Babytace, cuius incolæ mortaliū soli aurum in odio contrahunt. Esseni quoq; (ut idem testatur libro v.) ab occidentali littore sine ulla foemina & sine pecunia degunt. Quod utinam imitarentur nostrates. Non tot insidiis humana uita circumueneretur. Non esset tam frequens uenenorum usus. Omnes maiore animi tranquillitate uiuerent, & profundiore dormirent somno. Cessarent, quæ inde enascuntur, belli cōtagia. Neq; aliena prosperitas retorto

limaretur oculo. Sed surdis cano. Si me ruperō, quod iam intrauit malum non solum non abolebo, sed nec minuam quidem. Auro nihil igne deperit. Propterea tutum est ab incendiis, & rogis durante materia. Quinimo quo saepius arsit, proficit ad bonitatem. Aurum ubi igne probatum est, uocatur obrizum & purū. Si auro liquefcenti gallinarum membra misceantur, consumunt illud in se, ita hoc uenenum auri est, inquit Plinius. Verrius apud eundem testis est, Tunica aurea triumphasse Tarquinium Priscum. Nunc ueniendum est ad institutum, dicendumq; de iis locis, in quibus plurimum auri quondam repertum est.

LOCA DIVER-

SIS REBUS ABVN-

DANTIA.

Auro, & Aurifodinis.



Hispaniam metallis omnibus, nedum auro abundare docet Plin. Metallis (inquit) plumbi, æris, argenti, auri, tota ferme Hispania scatet. Et libro 33. Vicena (inquit) millia pondo auri, ad hunc modum annis singulis Asturiā, atq; Gallectiam & Lusitaniam præstare quidam crediderunt, ita ut plurimum Asturia gignat. Item Strabo: Aurum (inquit) argentum, æs, ferrum, nusquam terrarum, neq; tantum, neq; tam probatum generari ad Tyberij usq; tempora compertum est.

Iberia pars est Hispaniæ, quæ intra Iberum fluvium continetur, quam aurifodinis claram esse præter quæ iam diximus, docet etiam carmen Papinij lib. 3. Syl. scribentis: Quicquid ab auriferis eiecit Iberia fossis.

Posidonius scribit M. Marcellum exegisse tributum ex **Celtiberia** Hispaniæ parte ad talenta D C. Ex quo coniecturam facere est (inquit noster Budæus) Celtiberinam gentem numerosissimam fuisse, & pecunia abundantem. Eandem ob causam Catullus Celtiberiam uocat Cuniculosam: id est Cuniculis, seu fodinis refertam, ubi ait: Cuniculosæ Celtiberiæ fili.

Quis inficiabitur Tolosam Galliæ oppidum auri plurimum habuisse, quum Trogi testimonio, in eo reperta sint auri centum & decem millia pondo, argenti quinquies decies centena millia?

millia? Quæ summa quanti sit æstimanda, hinc licet obseruare, quòd singula pondo minoris centum aureis solatis æstimari nequeant. Hoc autem oppidum quum Q. Cæpio Consul diripuisset, quisquis ex ea direptione aurum attigit, misero cruciabilisq; exitu periit, inquit Gellius. Vnde natum Adagium, Aurum habere Tolosanum, in Calamitosos.

Dalmatia regio est Illyrica, in qua aurum inuentum est principatu Neronis, tanta quidem copia, ut quinquagenas quotidie libras effunderet. Statius libro 1. Syll. Robora Dalmatico lucent satiata metallo.

Dardæ populi sunt Indiæ, auro fertilissimi. Vt Sæta populi argenti. Autor idem Plin. lib. 6. In eorum regione formicæ aurum ex cauernis egerunt, cuius raptores si corripiant, lacerant.

Pangæus mons est Thraciæ, quem auri fertilem esse docet Herodotus in Polyhymnia. Hac iter (inquit de Xerxe loquens) præter eos montes à manu dextra relinquens montem Pangæum, magnum atque excelsum, in quo aurea sunt & argentea metalla. Plinius scribit, Auri metalla & conflaturam à Cadmo Phœnice in Pangæo monte reperta.

Capitalia, mons est Indiæ, auri itidem ferax. Plinius libro sexto de Indo loquens: Narca, inquit, deinde quos claudit mons altissimus Indicorum, Capitalia. Huius incolæ alio latere auri & argenti metalla effodiunt.

Italiam auri fertilissimam fuisse contendit Virg. lib. 2. Georg. dicens: Hæc eadem argenti riuos, ærisq; metalla Ostendit uenis, atque auro plurima fluxit.

Clitarchus apud Plinium testis est Aethiopici maris insulas adeò fuisse opulentas, ut in earum una incolæ equos talentis auri permutarent.

Laureos est regio Atticæ, auri uenis frequens, Vnde natum adagium, Noctux Laureoticæ: de pecuniarum copia, quoniam numismatis Laureoticis Noctuarum figura insculpebatur. Hoc debemus Erasmo.

Plinius libro 33. cap. 3. scribit, **Suanorum** gentem auri copia usque adeò abundare, ut regnum ipsum uelleribus aureis, trabisq; & columnis aureis & argenteis ubiq; scateat.

Dathus fuit Thasiorum colonia, quæ quòd auri uenas habuerit, prouerbio sequenti locum fecit, Dathus bonorum. De conferta rerum opulentia, inquit Erasmus.

Thasus insula (cuius incolæ Thasij dicuntur) aurea quon-

dam uocata est à copia auri, quod ibidem effodiebatur.

Inter loca auri feracia, nonnulli etiam fluij numerantur, ut **Tagus** Hispaniæ, **Padus** Italiæ, **Hebrus** Thraciæ, **Pactos** ius Asiæ, **Ganges** Indiæ. Autore Plin. lib. 33. cap. 4. Quibus adduntur **Hermus**, **Iberus**, **Idaspes**. De **Gange**, **Pamphilus** Saxus de laudibus Veronæ: Sic Benace tuos æquant pater optime pisces, Diuitis ut fuluas marmora Gangis opes. Benacus nomen est lacus. De **Hermo**, Martialis lib. 8. Non illi satis est turbato sordidus auro Hermus, & Hesperio qui sonat amne **Tagus**. Hinc opes **Hermæ** dicuntur à poetis. De **Tago**, **Claudianus** lib. 1. in **Ruffin**. Non **Tartesi** acis illum satiare't arenis **Tempesta** pretiosa **Tagi**. Item Plin. libro 4. cap. 22. **Tagus**, inquit, auriferis arenis celebratur.

De **Pactolo**, **Claudia**. de Consulatu **Probi**. **Quantus** per **Lydia** culta Desumat rutilas diues **Pactolus** arenas.

Iberus quoq; Hispaniæ fluius auri ramenta quandoq; fertur habuisse. Vnde **Claudianus** de Consulatu **Manlij Theodori**: **Lentus** **Arar**, **Rhodanus**q; celer, & diues **Iberus**.

De **Idaspe**, **Statius** libro 8. **Thebai**. Ceu modò gemmiferam **thyrs**o populatus **Idaspe**m.

Hytanis, flumen est **Carmaniæ**, portuosum & auro fertile, inquit Plin. lib. 6. cap. 23.

Strabo ait **Turditanorum**, Hispaniæ populorum, gentem fuisse opulentissimam, ut quæ à **Carthaginien**sibus quondam inuenta sit præsepibus utens argenteis.

Astures populi sunt Hispaniæ, **Calæcis** proximi, aurifodinis quondam nobilitati. **Syl**. Sed scelerum causas aperit deus improbus **Astur** Visceribus laceræ telluris mergitur imis, Et redit infelix effosso concolor auro.

Argento, & **Argentifodinis**.

Præter quæ iam diximus loca, sunt & alia uenis argenti memorabilia. **Strabo** ait, **Alyzones** populos esse iuxta **Pharnaceam** insulam, qui habent uenas argenti & ferri. Interpret **Strabonis**: Hinc & **Alyzonas**, **Odius**q; & **Epistrophus** una longinqua ex **Alyba** ducunt, argenti ubi uena est.

Alyba regio est non procul **Mysia**, in qua **Homerus** ait esse argenti fodinas.

Sætæ Indiæ populos argento abundare docet Plin. libro 6. **Fertilissimi** (inquit) sunt auri **Dardæ**, **Sætæ** argenti. Sed omnium in **India** propè non modò in hoc tractu potentiam claritatemq;

uincunt Prasi, amplissima urbe, ditissimaq; Palibotra.

Chrysas, & Argyras, idem Plinius Indiæ populos, facit auro & argento fertiles. Quod etiam utriusq; dictionis etymologia comprehenditur.

Sardiniam argento fertilem esse, docet Architrenius illo carmine: India ebore, argento Sardinia, & Attica melle.

In **Saxonia** Salinæ sunt uberrimæ. Præterea argentifodinæ apud Gostardam oppidum, ab Othone primo inuentæ. Autor Volaterranus.

In Augustudunorum, seu Eduorum Diocesi pagus est **Cisthiacum** nomine, frequentibus argentifodinis clarus. Sunt & loca eidem agro uicina, itidem argenti uenis laudatissima, ut **Mayerium**, Calcimontium. Est & ibidem alius locus argenti feracissimus, **Boquinium** nomine.

Aere.

Politianus in Nutricia **Amyclas** uocat Aerifonas, quod ære (ut conicio) claruerint. Sic autem scribit: - Cui maximus ille Aerifonas pedibus qui quondam inductus Amyclas.

Themese oppidum est Cypri, in quo præstantissima æris metalla fuisse, docet carmen illud Papinij lib. 1. Sylua. Et queis se totis Themese dedit hausta metallis.

Fuit & eiusdem nominis oppidum in Brutiis Italiæ, conditum ab Ansoniis (Latinis **Thempsa** dicitur) cui hanc metallorum laudem adscribunt nonnulli.

Corinthus urbs Achaïæ, à Sisypho latrone condita, usque adeo æris præstantia nobilitata est, ut eo facta uasa in deliciis haberentur, auriq; & argenti pretiū transcēderent. Vnde Corinthiarus à Tranquillo in Cæsare Augusto, uocatur amator huiusmodi uasorū immodicus. Ouid. lib. 6. Met. Orchomenosq; ferox, & nobilis ære Corinthus. Plinius ait celebritatem æris esse in Asia, fuisse quondam in Campania, nunc esse in Bergomatium agro.

Idem Plin. scribit in **Caristo** insula, marmoris optimi ferace, æs primum repertum fuisse.

In **Dodona** Molossorum ciuitate fuit oraculum, & officina æris præstantissimi: quod quum optimè resonaret, fecit locum prouerbio, Aere Dodonæo loquacior.

Armentis.

Galesum, fluium Calabriæ, armentis abundare arguit Statius lib. 2. Syl. dicens: Et Lacedæmonij pecuaria culta Galesi.

Britanniæ (quæ nunc Angliā dicitur) terra est frugifera, pe-

core abundans, auro, argento, ferro, plumbo, pellibus, mancipiis, canibus etiam uenaticis, ut inquit Strabo. Cicero tamen in Epist. ad Treb. ei tantam sterilitatis notam inurit, ut ne scrupulam quidem argenti in ea reperiri dicat. Ar nunc res aliter se habet.

Gellius lib. 10. Noct. Atti. Coniectare (inquit) ob eandem causam possumus, quod d'Italia olim esset armentosissima: multamq; (que appellatur suprema) institutam in singulos die, duarum ouium, & x x x. boum, pro copia scilicet boum, proq; ouium penuria.

De Calabria, Horat. lib. 1. Ode 3. Non æstuosæ grata Calabria Armenta, non aurum, aut ebur Indicum.

Thraciam abundare armentis docet Seneca in Troade, Meliorq; sætu, Fortis armentis lapidosa Thrace.

Augies Apollinis filius fuit armentorum multitudine ditissimus. Vnde natum Adagium, Augiæ stabula repurgare.

Habuit Iob Idumæus septem millia ouium, tria camelorum, quinquaginta inga boum, quingentasq; asinas.

Erythræa insula est Hispaniæ, quàm Strabo ait tantæ fecunditatis esse, ut pecudes pabuli copia sit necesse excreatione sanguinis purgari.

Asparagis.

Asparagus dici potest uirgultū, seu herba in uirgulta & caulem crescens, ab asperitate: uel Asparagus externa lingua significat fruticem. Hoc autem frutice Rauennam & Germaniam abundare docet Plin. li. 19. De Rauenna Martialis in Xenii: Mollis in æquorea quæ creuit spina Rauenna, Non erit incultis gravior Asparagis. Suetonius scribit Cæsarem ad exprimendam rei alicuius uelocitatem consueisse dicere, Velocius quàm Asparagi coquantur. Hic frutex à Plinio uocatur Corruda.

Asinis.

Asinos optimos Arcadia, & in Italia Reate mittunt. Auctore Plin. Quos propterea Peloponnesiaci illinc sibi emebant. Varro lib. 2. de Re rustica, cap. 1. Hoc enim (inquit) nomine asini Arcadici in Græcia nobilitati, in Italia Reatini usque eò, ut mea memoria asinus uænierit sestertiis millibus 1 x. & unæ quadrigæ Romæ constiterint quadringentis millibus.

Antron fuit Thessaliæ ciuitas, nomen inde sortita, quod cauernis & specubus abundaret. Illic aiunt asinos insigni quondam magnitudine fuisse. Vnde prouerbiū effluxit, Antronius Asinus.

Plinius lib. 8. cap. 30. scribit in Africa multitudinem esse asinorum syluestrium. Idem ait asinos cornu armatos in India reperiri.

Aluta

Aluta.

Sicyon urbs fuit in Achaia non procul Corintho, in qua teste Cic. calcei molles & muliebres fieri solebant. Vnde **Aluta** Sicyonia dicitur. Bapr. Pius lib. 4. Eleg. Aut sibi si modicos Sicyonia uinxerit aluta, Aethereos pellis aut heredosâ pedes. Est autem **Aluta** corium, quo calcei fiunt. Hinc **Alutarij** dicuntur calceolarij.

Amomo.

Amomum herba est seu arbuscula odoris suauissimi, in **Assyria** frequens & **Armenia**. Verg. l. Aeglo. 4. - **Assyrium** uulgo nascetur **Amomum**. **Amomum Armenium** est optimum, deinde **Medicum**, postea **Ponticum**. Plinius. Nascitur (inquit) in **Armenia** parte, quæ uocatur **Otenæ**, & in **Media**, & in **Ponto**.

Arboribus.

In **Fortunatis insulis** arbores sunt tantæ proceritatis, ut ad **cxliiii**. pedes inolescant. Plinius lib. 6. cap. 23.

Sunt & in **India** arbores adeo proceræ, ut sagittis superari nequeant. Hæc facit ubertas soli, temperies cœli, aquarum abundantia. Plin. lib. 7.

Idem lib. 5. ait, imas **Atlantis** radices densis altisq; repletas syluis, incognito genere arborû, quarum enodi nitore spectabilis sit proceritas, Frondes cupressis similes, tenuiq; lanugine opertæ, quibus addita arte uestes Bombyci similes confici ualeant.

Cyrenæicus quoque ager arboribus fertilis habetur, inquit idem Plinius lib. 5.

In **Hercynia sylua** tanta est arborum multitudo, tanta roborum uastitas, ut idem Plin. lib. 16. dicat, colles occurantium inter se radicum attoli repercussu.

Caucasum montem arboribus abundare innuit Prop. lib. 1. Et nemus omne satas intendat uertice syluas, Vrgetur quantis **Caucasus** arboribus.

Apibus.

Peruulgatum est ex lectione poetarum, **Hyblam** Siciliæ, **Hymettum** Atticæ môtēs apibus & mellis optimi copia abundare. De **Hybla** Ouidius: Quot lepores in Aho, quot apes pascuntur in **Hybla**. Martia. lib. 7. Pascat & **Hybla** meas, pascat **Hymettus** apes. Eadem ratione **Hymettus** Florens **Lucretio**, **Dulcis** **Iuuenali**, & **Val. Flacco**, **Oleus** **Statio** dicitur.

Apris.

Hoc argumento poetæ **Erymanthum** **Arcadiæ** montem
apris

apris abundare dicunt, quòd ibidem Hercules furiosum illum, & memorabilem aprum interfecerit. Vnde Stroza filius in uenatione: Amphitryoniades in monstifero Erymantho Fulmineum sic pressit aprum.

Auibus.

Scribit Plinius lib.6. **Fortunatas insulas**, & copia pomorum, & auium omnis generis abundare. Vide cap.32.

Peneus fluuius est Theſſaliæ, undis lucidis amœnus, uiridanũ riparum gramine, & canoro auium concentu.

Arcubus.

Omnes ferè populi Orientales arcu, & sagittis claruerunt, quibus annumerantur Scythæ, Getæ, Cretenses. De **Armenia** Lucanus lib.8. Armeniosq; arcus, Scythicis intendite neruis.

De **Ithyra** urbe Parthiæ, in Tauro sita, Idem Lucan. lib.7. Tunc & Ithyraei, Medi; Arabesq; soluto Arcu turba minax, nusquam rexere sagittas.

De **Cydone**, urbe Cretæ, Horatius lib.4. Carmi. Primus uenit Teucer tela Cydonio Direxit arcu. Item Vergilius in Buc. Ire libet, Partho torquere Cydonia cornu Spicula.

De **Gortyna**, urbe Cretæ, Ouidius lib.7. Metamorph. Nec Gortyniaco calamus leuis exit ab arcu.

Arenis.

Aethiopia scatet arenis, iuxta Marulli testimonium dicentis: Nec te perulti minuit, aut feruor soli, Diuesq; arenarũ Aethiops.

Hammanientes Cyrenaicæ regionis populi, undiq; arenis circundantur. Autore Plin. lib.5. cap.5.

Arundinibus.

Ouidius lib.5. Fast. uocat **Tybrim** arundiferum, ab Arundinibus, ubi ait: Tybris arundiferum medio caput extulit alueo. Eadem ratione Catullus uotauit **Gnydon** arundinosam, Quæq; Ancona, Gnydonq; arundinosam Colis.

Scribit Plin. lib.7. in **India** esse arundines tantæ proceritatis, ut singula internodia alueo nauigabili ternos interdum homines ferant. Idem, Arundini (inquit) Indicæ arborea amplitudo: Nauigiorum etiam uicem præstant singula internodia. Circa **Acesinem** amnem maximæ nascuntur. Diodorus in tertio ostendit Indorum regis Staurabatis potentiam in nauigiis non paruam constituisse, quæ ad quatuor millia ex arundinibus fluuii accommodanda aduersus Semiramidis uires confecit. Ferunt enim (inquit idem autor) flumina, locaq; palustria arundinum copiam

copiam, ita crassarum habere, ut nequaquam eas homines ulnis amplecti queat. Et his naues optimę sũt, propter arundinũ robur.

Aulæis.

Babylonij primi omnium diuersos colores picturę intexuerunt, unde & Plautus *Babylonica* uocat *Peripetasmata*. Et Iosephus *Aulæum* *Babylonium*. *Martialis* quoq; lib. 8. Non ego prætulero *Babylonica* picta, superbẽ *Texta*, *Semiramia* quę variantur acu.

In *Sarra* *Phœnicia* urbe (quę alio nomine *Tyros* appellatur) claruit usus purpurę, unde & Vergilius *Sarranum* uocat *Ostrum* lib. 2. Georg. Vt gemma bibat, & *Sarrano* dormiat *Ostro*. Eadem ratione *Iuuenalis* *Aulæa* uocat *Sarrana*.

Claruit & *Aulæis* **Pergamus** urbs *Asiæ*, quę eius loci rex *Attalus* reperisse dicitur. Vnde & *Attalica* dicuntur. *Syllius* lib. 14. Quę radio celat *Babylon*, uel murice picto *Læta* *Tyros*, quęq; *Attalici* uariata per artem *Aulæis* scribuntur acu, aut *Memphitide* tela. De his intellexit *Horatius* dicens, *Attalici* conditionibus Nunquam dimoueas, ut trabe *Cypria* *Myrtoum* pavidus nauta secet mare.

Lucretius quoque *Aulæa* commendat **Britannica**.

Augurio, & Aruspicio.

Apud *Ethruscos* augurij primũ, & *Aruspicij* disciplina fertur claruisse, eiusq; inuentor extitisse *Tages*. Quam postea *Romani* ab eisdem susceperunt. *Sido.* in 3. *Panegy.* Quid rogo bissero mihi uulture *Thuscus* aruspex Portendit? *Vitru.* lib. 1. de *Architectura*: Id autem *Ethruscis* aruspicius disciplinarum scriptis ita est dedicatum.

Aceto.

Acetum in *Aegypto* ex *Marcotico* uino fiebat, tanta quidem præstantia, ut in maiore pretio; quàm ipsum uinum esset. *Martialis*: *Amphora* *Niliaci* non sit tibi uilis *aceti*, Esset quum uinum, uilior illa fuit. Eandem ob causam *Codrus* *Vrceus* lib. 2. *Syl.* *acetum* uocat *Pharium*, dicens: *Hic salis*, *hic Pharij* seruatur copia *aceti*.

Attagenis.

Attagena, seu *Attagen*, auis est inter raras quondam epulas habita, sed præcipui in *Ionía* saporis. Autore *Plin.* Vnde *Mart.* Inter saporis fertur alitum primus, *Ioniarum* gustus *Attagenarum*. Fuit autem hæc auis frequens in *Ionía*. *Plinius*: *Attagen* maxime *Ionius* celebratur, uocalis aliàs, captus uerò obmutescens, quond

quondam existimatus inter raras aues. Horatius in Epodo: Non
Afra auis descendat in uentrem meum, Non Attagen Ionicus in-
cundior.

Aromate.

Abundat Persarum regio Aromate. Vnde Quintianus in
Cleopoli: Persica aromatibus, ualidis Germania fabris.

Absinthio.

Absinthium herba est amara, uim habens calidam & stypti-
cam. Potum stomacho prodest ad dolores corporis. Laudatis-
simum nascitur in Ponto. Ouid. lib. 5. de Trist. Cana prius gelido
desint absinthia Ponto.

Absinthus, urbs est Thraciæ, quæ nomen sumpsit à cepia
absinthij ibidem crescentis, quo oues pascuntur in regione Pon-
tica felle carentes.

Nascitur quoq; absinthium laudatum in Macedonia, &
Tauro monte.

Est & unum genus, quod Santonicum dicitur, à Galliæ ci-
uitate. De quo uidetur intellexisse Marcial. Santonica medicata
dedi mihi pocula uirga. Plinius ait laudatissimum reperiri in
Thaposyri Aegypti.

Aspidibus.

Aspides serpentes sunt frequētes in Aegypto, hebetibus ocu-
lis, eisdemq; in temporibus fixis. Venenum habent, quo si quis
percutsus fuerit, nunquam euadit, nisi uulnere altius rescisso.
Earum imagine utebantur Aegyptij reges in suis Diadematis.
Vnde Val. Flaccus lib. 4. Argon. Iamq; Aspide cincta comas,
& ouanti persona sistro. Lucanus libro 4. Pharias uocat Aspi-
das, id est Aegyptias, ubi ait: Aspidas ut Pharias cauda solertior
hostis Ludit, & iratas incerta prouocat umbra.

Attilis piscibus.

Attili sunt pisces, qui inertia pinguescunt. Sunt autem fre-
quentes in Pado, adeo ut ad mille quandoq; libras capti sint.
qui nisi iugis bouum extrahi potuerunt.

Anguillis.

Anguillæ pisces sunt admodum lubrici, & uolubiles, qui octo-
nis uiuunt annis, durantq; sine aqua senis diebus Aquilone spi-
rante. Capuntur plurimæ in lacu Banaco hyemato, & in tan-
ta mirabili multitudine, ut in excipulis eius fluminis, ob hoc ip-
sum fabricatis, singulorum milium globi reperiantur.

Scribit Pharus Anguillas in Gange reperiri tam inusitata
magni

magnitudine, ut tricenos pedes impleant. Cuius testimonium confirmat Solinus.

Aelianus apud Volaterranum scribit, in **Timauro** optimas, ac præpingues capi. Alij palmam lacui **Vulsiniensi** tradunt.

Scribit Plutarchus in **Timolcone** in limosis locis iuxta **Syracusas** ingentem anguillarum multitudinem pasci, adeò ut piscari uolentibus lata adsit præda.

Auratis piscibus.

Aurati pisces sunt, qui à Græcis **Chrysophries** appellantur. In maris refluxu frequentes ueniunt ad **Actium** Epyri oppidum, ibiq; in locis arenosis ad subnaſcentium arborum radices & latebras occultantur, & à peritis facîle capiuntur. Horum piscium triuaria primus instituit **Sergius Orata**, nomen inde consecutus.

Anthiis piscibus.

Anthiæ sunt pisces naso adunco, testudineo corpore, qui pennas habent, quas auium more, & uolanti similes pandunt. Reperiuntur autem in **Mari rubro**, lupi magnitudine. Sunt & frequentes prope **Cheledonias** iusulas **Asiæ**.

Asteriadibus.

Asterias auis est docilis, humanæ uocis, & uerborum imitatrix, quam plurimam habet **Aegyptus**.

Aspalacis animalibus.

Aspalacus est animal, quod sola **Bœotiorum** terra fert. A qua translatum statim perire dicunt. Frequens est tamen apud **Orchomenios**.

Alcibus.

Alces sunt animalia, figura & pellibus capris similia, uerùm maiora aliquanto. Crura habent sine nodis & articulis, quare arboribus stantes adhærent in somno. Reperiuntur in syluis **Germanorum**.

Alumine.

Alumen, dicitur terræ salsugo, à lumine: quòd lumen coloribus tingendis præstet. Inuenitur nigrum, & album, liquidum, & spissum. Inuenitur in **Aegypto**, ac in **Melo** insula, & **Macedonia**. Volaterranus ait fodi in **Ethruria**, in agro **Massiano** & **Volaterrano**.

Acacia herba.

Acacia herba est, membris medens luxatis, quæ nascitur in **Aegypto**, **Cappadocia**, & **Ponto**,

Aconito.

Aconitum herba est, quæ (ut fabulantur poëtæ) ex Cerberi spuma uenenum contraxit efficacissimum, quo tempore Hercules monstrum ab inferis ad superos eduxit. Aliqui dictum putant ab **Acone** portu Heracleæ, qui prouentu malorum graminum usque adeo celebris fuit, ut moxiæ herbæ Aconita illic nominata sint, licet alias deriuationes ponant plurimi. Volaterranus ait nasci in **Italia**.

Alypio herba.

Alypium herba est fruticosa, & subrussa, flore nigro, quæ nascitur in maritimis **Africæ**.

Aneso herba.

Anesum semen est Apio simile, uim habens calefactoriam. Frequens est in **Syria**.

Arinea fruge.

Arineam Volaterranus inter fruges enumerat, quam ait frequentem esse in **Gallia & Italia**.

Alosis.

Alosæ pisces sunt oblongi, de genere Clupearum, qui alio nomine Chryssæ dicuntur. Ferunt laudatissimas esse in **Tyberi**.

Aloë.

Aloë herba est succi amarissimi. Vnde Iuuenalis: Plus aloës, quam mellis habet. Nascitur in **India** plurima. Eius quoque gummi uenit etiã ex **Arabia & Asia**, ad conglutinanda uulnera utilissimum.

Asphalto frutice.

Asphaltus frutex est spinosus, & odoratus, quo utuntur unguentarij, ad unguentorum succum. Nascitur apud **Istrum**, & **Nisyrum** in **Syria**, & **Rhodo**.

Agarico.

Agaricum frutex est itidem odoratus, frequens in **Cilicia**, & apud **Sarmatas**.

Achate gemma.

Achates gemma est uario colore, partim retinens Iaspidis uitreum, partim Sardi sanguineum, partim Smaragdi fulgidum. Dedit autem nomen **Achati** fluuiio **Siciliæ**, quod frequens ibidem reperitur.

Artificibus.

Plinius lib. 6. de **Meroë** loquens, Cæterum (inquit) quum potuerit

potirentur rerum Aethiopes, insula ea magnæ claritatis fuit. Tradunt armatorum c.c. millia dare solitam, Artificum quatuor millia alere.

Alabaastro.

Alabastrum genus marmoris perlucidi, quo antiquitus uasa fiebant unguentaria. Nascitur autem in **India**, circa **Thebas** Aegyptias, & **Damascum** Syriæ. Habebat & **Sparta** uiride cunctis hilarius. Dicimus & **Alabaster**. Cicero lib. 2. *Quæst. Acad.* Quibus etiã **Alabaster** plenus unguenti putere uidetur. Item **Alabastrites**. Plin. lib. 36. Hunc aliqui lapidem **Alabastritem** uocant, quem cauant ad uasa unguentaria. De **Alabaastro** **Martial.** libro 11. Quod **Cosmi** redolent **Alabastra** fociq; deorum.

Auripigmento.

Auripigmentum foditur in **Syria** ad usum pictorum, in summa tellure, auri colore, sed fragili, lapidum specularium modo. Autor **Plinius** lib. 33. cap. 4.

Aliis rebus.

Amaranthum **Plinius** lib. 17. ait laudatissimum nasci in **India**, & in **Syria**.

Arctionem herbam reperiri in **Creta**.

Amphitanem gemmam in **India**.

Acerem arborem in **Istria**.

Abietem in **Vogeso monte**, **Corfica**, **Bithynia**, **Ponto**, **Macedonia**. Sunt & **Abietes** in **Cypro** c x x x. pedum longitudinis: Crassitudinis uerò ad trium hominum complexum. **Germaniæ** prædones singulis abietibus cauatis nauigant, quarum quædam x x x. homines ferunt.

Alica species est panis, quam ex **Piceno** probat **Plin.**

Ambrotonum herbæ genus, laudatissimum habet **Sicilia**, deinde **Gallia**.

Amaracum **Cyprus**. **Accipitres** **Masilia**.

Affarum unguentum, **Pontus**, & **Phrygia**.

Buxis.

CYtorum **Paphlagoniæ**, **Olympum** **Macedoniæ**, **Pyrenæos** item & **Corficam** **Buxis** abundare docet **Plin.** lib. 6. cap. 17. **Buxus**, inquit, plurima **Pyrenæis**, ac **Cytoro** montibus, ac **Berecynthio tractu**. Crassissima in **Corfica** florem non ferendo. Hæc in **Olympo** **Macedoniæ** gracilior, sed breuis. De **Cytoro**, **Vergil.** libro 2. **Georg.** Et iuuat undantem **Buxo** spectare **Cytorum**. Propterea pecten (quo discernuntur, & comuntur

capilli) proprio Epitheto appellatur Cytoriacus, quòd Buxo fiat, quam in Cytoro frequentem esse diximus. Ouid. lib. 4. Metam. Sape Cytoriaco diducit pectine crines.

Aspagones populi sunt in India, quos Plin. lib. 6. cap. 2. scribit Vitis, Lauri, Buxi, & pomorum omnium esse fertiles.

Baccis fructibus.

Bacca dicitur fructus Lauri, Oliuæ, Myrti, & aliarum eiusmodi arborum, quo **Sicyonem** urbem Achaïæ abundare docet Ovidius lib. 4. de Ponto, dicens: Africa quot segetes, quot Tmolia terra racemos, quot Sicyon baccas, quot parit Hybla fauos. Verg. lib. 2. Georg. Venit hyems, teritur Sicyonia bacca trapetis.

Idume urbs Syriæ, Baccis, & Arboribus baccas ferentibus, abundat. Pontanus de hortis Hesperidum: Quæq; & Idumæas mittunt palmaria baccas.

Arimpæi populi sunt ultra Riphæos montes, apud quos tanta est baccarum copia, ut illis etiam uiuant.

Baccis gemmis.

Est & Bacca nomen Gemmæ, frequentis apud **Gangem** India fluium. Pontanus in Lepidina: Dona ferunt auro grauida, & Gangetide bacca.

Bombyce.

Bombyx dici potest subtilissima tela, quam eiusdem nominis vermes in India conficiunt Arancarū more. Reperitur autē apud **Orontem** fluium laudatissima. Salmonius: Alter Orontæa radiat ceruice decorus, Alterius rosea fronte coruscat Onyx. Bap. Pius lib. 3. Elegi. usus est in masculino genere dicēs: Protegit obscurus radiantia tempora Bombyx. In hoc Propertium imitatus.

Plinius laudat Bombycem **Assyriam**, qua uiri sceminis cesserunt, quum uiros etiam non pueret, has uestes induere propter onera æstiuæ. In tantum (inquit ille) à lorica gestanda discesserunt mores, ut oneri sint uestes.

Arabia (quam ab omnium deliciarum ubertate felicem uocamus) Bombyce quoque abundat. Propertius lib. 2. Nec si quæ Arabia lucet Bombyce puella. Hinc Bombycinæ uocantur uestes illæ mollissimæ. Iuuenalis: Cuius Delicias & panniculus Bombycinus urit.

Beluis.

Horatius lib. 4. Carmin. uocat mare Beluosum à beluarum (quibus abundat) multitudine, ubi ait: Te Beluosus, qui remotis obstrepat Oceanus Britannis,

Dyardenes fluuius (inquit Curtius lib. 7. de gestis Alexan.) minus celeberrimus auditu, quia per ultima Indię currit. Cæterum non Crocodilos modò, ut Nilus, sed etiã Delphines, ignotasq; aliis gentibus beluas alit.

Bobus.

Celadusam Plin. lib. 3. cap. 26. facit insulam Mesiæ intra Surium, bobus & capris laudatam.

Taurominium mons est Siciliæ, bobus plurimis abūdans, qui propterea Taurominitani dicuntur, ut Carybdis Taurominitana.

Aelianus apud Volaterranum scribit, boues esse in **Phœnicia** tanta magnitudine, ut à stantibus mulgeantur. idem ait apud mare rubrum boues cornibus flexibilibus esse: apud Mysos sine cornibus nasci: in India cursu cum equis contendere publico spectaculo. In Libya boues esse agrestes, equis non inferiores cursu. Apud Crathera, item Clitumnum Vmbriæ fluuium armenta ex nigris alba fieri. In Euboia omnes ferè boues albos nasci. **Tauros** Aethiopum agrestes cornua aurium modo mouere.

Campania albos & exiles gignit. Vmbria vastos. Ethruria albos & ad opera fortes. Apœninus uegetos, ac labori aptissimos.

Balsamo.

Balsamum arbuscula est aromatica, cuius lignum **Xylobalsamum**, succus **Opobalsamum** dicitur. Plin. lib. 12. Omnibus, inquit, odoribus præfertur Balsamū uni terrarum **Iudææ** concessum. Producitur & in ualle Syriæ, arbore mali Punici magnitudine, ramis multis, folio rutæ simili, candido tamē & perpetuò uirente: Fructu simili **Terebintho**.

Bitumine.

Is, urbs est distās à Babylone itinere octo dierum, apud quam fluuius est eiusdē nominis, ex quo Bitumen toti Babyloni quondam subministrabatur.

De **Asphaltite** Syriæ lacu Plin. lib. 27. | **Quin** & bituminum (inquit) sequax alioqui, & lenta natura, in lacu **Iudææ**, qui uocatur Asphaltites, certo tempore anni supernatans, nequit sibi auelli, ad omnem contactum adhærens, præterquàm filo, quod tale uirus infecerit. Item lib. 2. Nihil, inquit, in Asphaltite **Iudææ** (qui bitumen gignit) mergi potest. Et lib. 5. Asphaltites nihil præter bitumen gignit.

Ammianus Marcellinus lib. 22. Citra omnes (inquit) propinqua est nobilis Assyria. Nunc omnis appellatur Syria, ubi inter

baccarum uulgariumq; abundantiam frugum, Bitumen nascitur prope lacum **Sosingitem**, cuius aluco Tygris uoratus fluensq; subterraneus percussis spatiis longis emergit.

Inter cætera laudatur Bitumen illud, quo Semiramis coctiles **Babylonis** muros construxit. Vnde Ouid. lib. 4. Metam. Vbi dicitur altam Coctilibus muris cinxisse Semiramis urbem.

Nympheus mons est ardens, cuius crater Bitumen egerit omni bitumine dilutus.

Beryllis.

Beryllus lapillus est pallidus & transparentis, Smaragdo similis, qui semper sexangula figura, artificum opera politur, quoniam hebescit, nisi color percussu angulorum excitetur. Vnde Iuuenalis Saty. 5. Berillos inæquales uocat, ubi ait: - Ipse capaces He-liadum crustas, & inæquales Beryllos Virro tenet Phialas. Beryllos **India** gignit, raro alibi repertos, præterquam in **Phœnicia**, ubi etiam adinueniuntur.

Byssus.

Byssus dicitur genus lini subtilissimi, quo pretiosissimæ sunt uestes, quæ Byssinæ appellantur. Byssus in **Iudæa** præcipuus nascitur, teste Iosepho. Secundus in **Elide** Græciæ ciuitate, colore inferior Iudaico, sed tenuitate præstantior.

Bulbis.

Bulbus à Romanis dicitur Allium agreste: alij Allium marinum uocant. Caulem & folia habet Lilio similia. Venerem excitare fertur. Martial. in Dist. Quum sit anus coniunx, & sint tibi mortua membra, Non aliter Bulbis quam satur esse potes. Nec aliam ob causam bulbos salaces uocat lib. 3. dicens: Sed nihil crucæ faciunt, bulbiq; salaces. Columel. libro 11. Quæq; uiros acuum, armantq; puellas, Iam Megaris ueniant genitalia femina bulbi.

Bulbi **Megarenses** præcipuam obtinent palmam, quos propterea Cato Megaricos uocat, & multum celebrat, teste Plinio lib. 19. cap. 5.

Idem Plinius ibidem ait Bulbos sponte nasci, & copiosissimè in **Balearibus**, **Ebusoq;** insulis, ac per **Hispanias**. Post hos in **Africa** nati maxime laudantur. Sed & in **Prænestinis** campis sponte nascuntur, ac sine modo, in **Remorum** aruis.

Balanis.

Balanas alit **Indicum mare** quintuplo Elephantis magnitudinem excedentes. Plinius libro 9. cap. 3. ait quasdam reperiri quaternum iugerum.

Balano.

Balano.

Balanus arbuscula est, seu herba unguentaria & aromatica, frequens in **Troglodytis**, **Thebaide** & **Arabia**.

Bisontibus.

Bison animal est deforme iubarum prolixitate, & reliquo corpore. De quo Mart. lib. 1. Illi celsit atrox Bubalus atque Bison. Et alibi: Turpes effeda quod trahunt Bisontes. Hoc animal gignit **Scythia** & **Germania**, quæ tamen fructuum inopia paucissimis abundat animalibus.

Bubalis.

Bubalus animal est ceruicem habens vitulo similē, unde & nomen sumpsit. Reperitur autem in **Africa**.

Bonasis.

Bonafus animal est iuba equina, cætera tauro similis. Cornibus inter se adedò reflexis, ut pugnae sint inutilia. Gignitur hoc animal in **Pæonia**, & monte **Mesapo**. Volaterranus ait Bonasorum uenationem hodie cerni in **Lusitania**.

Habet **Buccardiam** gemmam Babylon.

Buteones aues, **Baleares** insulæ.

Bedellium arborem **Scanthrum** mons **Scythiæ**.

Croco.

Corycus oppidum est Ciliciæ, ubi **Crocus** nascitur rara bonitate & felicitate, qui propterea Corycius uocatur. Horatius lib. 2. Sermo. Corycioq; croco sparsum sterit. Plin. libro 21. Prima nobilitas inquit, Cilicio croco, & ibi in Coryco monte: deinde **Lycio**, monte **Olympe**: mox **Centuripino** Sicilia: aliqui **Phlegraeo** secundum locum dedere. Verg. in Battarum: -Et hic Cilicio **Crocus** editus aruo. Lucan. lib. 9. Utq; solet pariter totis se effundere signis Corycij pressura Croci. Martialis lib. 11. Ultima Corycio quæ cadit aura Croco.

In **Tmolo** quoque monte Ciliciæ, uel (ut aliis placet) **Lydiæ**, Croci & quidem optimi copia esse memoratur. Verg. lib. 1. Geor. Nonne uides, Croceos ut **Tmolus** odores, India mittit ebur, molles sua tura **Sabæi**? De hoc intellexit **Lucret.** lib. 2. dicens: Et quum scena croco Cilici perfusa recens est.

Habet & **Sicilia** **Crocum** præstantissimū, licet Corycio fortasse uiliorem: unde **Statius** lib. 2. Syl. Et tenues **Arabum** respirant gramine syluæ, **Sicanisq;** **crocis**.

Canibus.

Canaria una est earum insularum, quas fortunatas, à rerum copia, uocamus. Hæc à multitudine canum ingentis magnitudinis nomen sumpsit. Autore Plin. lib. 6.

Amyclis (quæ ciuitas est Laconix) canes optimi fuisse dicuntur. Vergilius lib. 3. Georgic. Arnaq; Amyclæumq; canem, Cressamq; pharetram.

Molosia quoq; & **Epirus**, partes sunt Laconix, optimis canibus abundantes. Vergil. in Cul. Illum Scylla rapax canibus succincta Molosis. Item Horat. lib. 2. Serin. Simul domus alta Molosis Personuit canibus. De Epyroticis Varro lib. 2. de re Rust. cap. 9. Itaq; à regionibus (inquit) appellantur Lacones, Epyrotici, Salamantini. Tanta fuit huius luci canum bonitas, ut apud suos sepulcra meruerint. Vnde Strozà fil. Suos de more Molosia uetusto Condit terra canes, cineres nec lædit opertos.

Celebrantur & canes **Vmbriae**, quæ est pars Italiae. Syllius lib. 3. Ceupernix quum densa uagis latratibus implet Venator dumeta Lacon, aut erigit Vmber Nare sagax è calle feras.

Seneca in Hippolyto commendat **Spartanos**, ubi ait: At Spartanos (genus est audax Auidumq; feræ) Nodo cautus propiore liga.

In **Melita** insula (quæ est inter Corcyram & Illyricum sita) canes sunt admodum parui, qui habentur in deliciis, adeò ut mulieres maiorem illis, quàm maritis habeant honorem. Hinc adagium, Canis Melitæus, quum quis ad uoluptatem nutritur; non utilitatem. Plinius in fine tertij: Inter Corcyram (inquit) & Illyricum Melita: unde catulos Melitæos appellari Callimachus autor est.

Creta.

Creta dicitur tenax quædam terra, qua fullones in ablucendis maculis uti consueuerunt. Omnium præstantissima fuit in **Creta** insula, à qua nomen traxit. Hac etiam abundat **Cymolus** insula, quæ propterea Cymolia dicitur. Cuius duo èllè genera scribit Plinius lib. 36. cap. 16. Candidum scilicet, & ad purpurisum inclinans.

Creta quandoq; utuntur Figuli: unde Varro lib. 3. de re Rust. Figlinam uocat. At quod extat ulcus (inquit) figlina illinunt creta. Figularem Colu. lib. 7. & Cymoliam. Creta Cymolia ex aceto linas, inquit. Item: Solet etiam ipsum animal uiuum creta figulari circumdari.

Crocodilis.

Crocodilis.

Crocodilus animal est quadrupes, ex ovo in miram excrefcens magnitudinem, ut qui duos & uiginti cubitos impleat. Quatuor menses hyemales non comedit, lingua caret, uiuit in terra, & in aqua. **Crocodilis** autem abundat in primis **Nilus**. Vnde Plin. libro 8. **Crocodilum** (inquit) habet **Nilus**, quadrupes malum, & terra pariter, ac flumine infestum. Mart. lib. 3. Cui comparata rictibus tuis ora, **Niliacus** habeat **Crocodilus** angusta.

Ombitæ populi in **Aegypto** hoc animal adorant, eiq; sacros dies faciunt, ac lætantur liberos suos ab eo deuorari.

Habet **Indus** fluuius **Crocodilos**. Vnde **Herodotus**, **Is**, inquit, cupidus cognoscendi, ubinam **Indus**, qui secundus omnium fluminum **Crocodilos** præstat, mare inflat. **Plinius** lib. v. cap. i. ait: **Mauritanix** flumen **Bambotum** **Crocodilis**, & **Hippopotamis** refertum. Idem quoque testis est in flumine (cui **Darat** nomen) **Crocodilos** gigni.

Cannabe.

Cannabis herba est, qua fiunt funes, qui propterea **Cannabini** dicuntur **Columellæ**. Hac abundat **Scythia**, unde **Herodotus**: **Nascitur** (inquit) apud **Scythas** **cannabis** **Lino** simillima, præterquam crassitudine, & magnitudine. **Plin. lib. 16.** ait **Canabem** agri **Sabini**, æquare arborum altitudinem.

Capris.

Capraria insula (quam **Græci** **Aegilon** dixere, autore **Plinio**) à multitudine caprarum nomen indepta est.

Iuxta **Cinyphem** fluuium, **Capras** esse inusitatæ magnitudinis docet **Plin.** Vnde etiam **Pontanus**: Iure cui **Marsi** inuideant, & ipsi **Cinyphes** hirci.

Capras optimi lactis feraces habent **Fortunata** insulæ. Vnde **Horat.** Illic iniussæ ueniunt ad mulctra capellæ, Refertq; tenta grex amicus ubera.

Callisthenes apud **Volat.** testis est capras esse in parte **Africæ**, uillis consiliibus, ex quibus nauæ rudentes conficiant.

Capræ **Syriæ** magnam uim lactis egerunt: unde natum **Adagium**, **Capra** **Syria.** de eo, qui multam affert utilitatem.

In regione **Caspia** nascuntur **Capræ** equi magnitudine, sine cornibus, colore albo, quæ longo uillo, ac mollitie lanis certant **Milesiis**, unde sacerdotes, & **Caspiorum** ditissimi uestes conficiunt. **Nymphodorus** apud **Volaterranum** testis est in **Sardinia** tantam esse caprarum multitudinem, ut earum pellibus

pro uestimentis utantur incolę, conuerſis introrſum hyeme uillis,
æſtate uerò auerſis.

Corylis.

Corylis (quę ſunt arbores nuciferę) abundat urbs Campanię
Auella nomine, unde nuceſ Auellanię dicuntur, quę & Pon-
ticię. Cato de re Ruſt. Nuceſ caluaſ auellanaſ, Pręneſtinaſ, &
Gręcaſ.

Cupreſſiſ, & Cypariſſiſ.

In **Ida** monte Phrygię multas eſſe Cupreſſoſ docet Plinius
libro 15. cap. 34. Idem ait Cupreſſoſ in Creta optimè naſci. Man-
tuanuſ in Epigram. Ida funebrem peperit Cupreſſum.

Cyllene mons Arcadię eadem ratione Cupreſſifera uocatur
ab Ouid. lib. 5. Faſtorum ubi ait: Hęc enixa iugo Cupreſſiferę
Cylleneſ.

Habet & Cupreſſoſ **Erymanthuſ** mons Arcadię. Ouid. in
Epiſtola Deian. Tegęuſ aper Cupreſſifero Erymantho In-
cubat.

De **Lycęo** monte itidem Arcadię, Sidoniuſ: Quantum non
Cypariſſifer Lycęuſ, Quantum non nemoroſa tollit Oſſa.

Cypariſſuſ ciuitaſ eſt in Parnaſo iuxta Delphoſ, quę ab
ciuiſ arboriſ frequentia meruit nomen. Homeruſ apud Volat.

Cypreo arbore abundat **Aſcalon** urbuſ Iudę, & **Canopuſ**
oſtiuſ Nili, ſeu urbuſ Aegypti. Naſcuntur etiam Cupreſſi in Co-
niſula, autore Plinio.

Coſto.

Coſtuſ in fęmineo, ſeu Coſtum in neutro genere, arbuſcula
eſt quędam aromatica. Reperitur & in Maſculeo. Excellit autem
Arabiçuſ, albuſ exiſtens & leui pondere, probi odoris. Se-
cundam laudem habet **Indicuſ**, qui leuiſ eſt. Tertiã **Sy-
riacuſ**, colore Buxeuſ, odore graui. Lucanuſ lib. 9. Et Tama-
rix non læta comiſ, Eoaq; Coſtuſ. Laudatur & **Perſicuſ**, un-
de Horatiuſ lib. 3. Nec Phalernę uiteſ, Achęmeniũq; Coſtum.
Pliniuſ libro 12. cap. 12. ait optimum Coſtum reperiri in Patale
Indorum inſula.

Cafeiſ.

Lunę urbiſ Hetrurię Cafeoſ commendat Mart. in Apopho.
dicenſ: Cafeuſ Hetrulię ſignatuſ imagine Lunę, Pręſtabit pue-
riſ prandia mille tuiſ.

Apud **Veſtinoſ** Italię populouſ, caſei quoq; fiebant laudatiſ-
ſimi, autore Plinio: & tanto quidem pretio, ut carniũ loco ha-
beri

beri possent. **Martialis** : Si sine fruge uoles ientacula sumere frugi, Hæc tibi Vestino de grege massa uenit.

In **Trebula** agri Reatini oppido casei itidem fiebant optimi. De quibus **Martialis** : Trebula nos genuit, commendat gratia duplex, Siue leui flamma, siue domamur aqua.

Culicibus.

Ammianus lib. 18. At ubi (inquit) Solis radiis exarserit tempus in regionibus, æstu ambusti, uapore syderis, & magnitudine culicum agitantur, quorum agminibus per eas terras referta sunt omnia. De **Mesopotamia**.

Cynnamis.

Cynnamum arbuscula est aromatica, odore præstans, & ad unguenta mirè efficax. Frequens est autem in **Panchaia**. **Ouidius lib. 10. Metam.** Sit diues Amomo, Cynnamaq;, Costumq; suam, sudataq; ligno Tura ferat, floresq; alios Panchaia tellus.

Abundat & **Arabia** Cynnamo: unde **Propertius libro 3.** Et Tyrus Ostrinos præbet Cadmæa colores, Cinnamon & multi pastor odoris Arabs.

Pangæus Thraciæ itidem. **Claud. de nupt. Honorij & Mariæ:** Hic Casiæ matura seges, Pangæaq; surgunt Cynnama.

Calamis.

Calami apti chartis ex **Aegypto** mittebantur, qui cognitionem quandam cum papyro habebant. Sed **Gnydij** ex Creta præstantiores sunt, autore **Plinio**, quamuis hoc Gnydo insulæ Veneri sacre nonnulli tribuant. Nascebantur item ad eundem usum in Asia ad **Anethecum** lacum. De Aegyptiis **Martialis** : Dat chartis habiles calamos Memphitica tellus.

Nigri Aethiopum fluuii, eadem natura, quæ Nilo: calamum & papyrum & easdem gignit animantes, iisdemq; temporibus auget. Autor **Plinius lib. 5. cap. 8.** Calami Aromatici nascuntur in India. Commendantur qui sunt fuluo colore, ualde geniculati, & uiscosi. **Plinius** ait, ibidem reperiri calamos arboreæ amplitudinis. Idem autor ait nullum esse calamum sagittis aptiorem, quàm qui nascitur in Rheno Bononiensi fluuii, cui plurima inest medulla.

Commendantur & **Cretici**, & qui circa **Acesinem** fluuium maximè nascuntur. Vide **Plinium ipsum lib. 16. cap. 17.**

Cera.

Hymettus mons Atticæ, & **Hybla** Siciliæ propter apum ibidem mellificantium multitudinem cera abundant. **Ouidius**

libro 10. Met. - Vt Hymettia sole Cera remollefcit, tractataq; pollice, multas Flectitur in facies. Politianus in Ambra. Gaudebat calamos Hyblæis iungere ceris.

Pontanus in Eridano commendat Ceram Mantuanam, ubi ait : Electro felix, felix Mantoide Cera Eridanus.

Columbis.

Chaoniam partem Epyri, & **Dodonam** Chaoniæ syluam, columbis abundare sequentia docent testimonia. Ouid. lib. 2. de Arte. Quasq; colat turres, Chaonis ales habet.

Vfus columbarum apud **Syrios** olim fuit prohibitus. Ideo illis in locis tanta fuit earum copia, ut accedentium mercatorum ora peruolarent. Tibullus lib. 1. Quid referam, ut uolucres crebras intacta per urbes, Alba Palæstino sancta columba Syro.

Tanta est apud **Pæonios & Illyricos** columbarum multitudo, ut contra eas ordine militari in bellum exeant, quemadmodum Magnesium, & Ephesium contra locustas.

Conchis & Conchylis.

Lucrinus Campaniæ lacus delicatissimas habuit conchas. Martialis lib. 5. Concha Lucrini delicatior stagni. Horatius in Epodo : Non me Lucrina iuuerint Conchylia.

Bibaga Indiæ est insula, quam Plin. lib. 6. ait Ostreis & Conchiliis esse refertissimam.

Est & in **rubro mari** Concharum multitudo : Vnde Polit. in Ambra. Donat Erithræis hæc plena monilia Conchis.

Cochleis.

Cochlea dicitur testa Limacis, seu limax ipsa. Cochleas alit **Mare rubrum** maximas & rubentes. **Illyricis** magnitudo præcipua, **Africanis** fecunditas : **Balearicæ** nascuntur in speluncis. Laudatæ etiam in insulis **Caprearum**.

Cedris.

Libanus mons Phœniciæ Cedris abundat. Sedulius lib. 4. Mirab. diui. Semper habens frondes, & tanquàm Libana Cedrus Multiplicandus adest.

In **Aegypto & Syria** reges inopia abietis, Cedro ad Clases feruntur usi. Autor Plinius lib. 16.

Cygnis.

Cayster fluuius est Lædiæ, Sardibus proximus, abundans Cygnis. Ouid. lib. 5. Trist. Utq; iacens ripa deflere Caystrius ales, Dicitur ore suam deficiente necem.

Volaterranus in Geographia, ubi mores Britannorum describit,

bit, ait, **Cygnos** ad **Tamēsis** ripam non minus quatuor millibus continuò nutritunt.

Chalybe.

Norici incolæ sunt **Alpium**, apud quos, autore **Plinio**, laudabiles sunt **Ferri** & **Chalybis** fodinæ. Hinc **Horatius** **ensem Noricum** appellat, ut **Bap. Pius** **Chalybem** lib. 4. **Eleg.** **Noricus** aut **tenero** stat tibi corde **Chalybs**.

Ceraſtis.

Ceraſtis serpentibus quadrigemina præferentibus cornua **Lisbyam** abundare, docet **Lucanus** lib. 6. dicens : Aut uiuentis adhuc **Libycæ** membrana **Ceraſtæ**.

Chelydris.

Chelydrus serpens est, qui per terram se conuoluit, moraturq; tam in aquis, quàm in terra. Frequens est autem in **Calabria**: unde **Vergil.** lib. 3. **Georg.** Est etiam ille malus **Calabris** in saltibus anguis spuma conuoluens sublato pectore terga, Atque noris longam maculosus grandibus aluum.

Colossis.

Colossi dicuntur grandes & corpulentæ statux, quæ antiquitus diis erigebantur. Præcipue autem magnitudinis fuerunt **Rhodi**, & ille omnium maximus, qui **Soli** sacer habitus est, de quo in septem orbis miraculis diximus : **Quintianus** in **Cleopoli**: **Clara Rhodos** proprium non amissura **Colossus** est.

Crateribus.

Iam docuimus quanta fuerit olim **Corinthij** æris præstantia. Propterea **Mantuanus** libro 2. **Parth. Mart.** Craterem uocat **Corinthium**, dicens : Vbi purpura cingit Vasa **Corinthiacis** crateribus æmula.

Citro.

Citrus arbor est frequens in **Atlante** monte **Mauritaniz**, qua pretiosæ admodum mensæ fieri consueuerunt. De his intellexit **Lucan.** lib. 10. Dentibus hinc niueis sectos **Atlantide** sylua Imposuere orbes. Et **Martial.** lib. 10. Et **Maurusiaci** pondera rara **Citri**. **Plin.** lib. 13. **Atlanti** confines sunt **Mauri**, quibus plurima arbor **Citri**, & mensarum infania.

Cæpis.

Cumas **Cæpis** abundare docet **Columella** lib. 10. scribens: Quæ pariunt ueteres **Cæpos**o litore **Cumæ**.

Colocasía.

Colocasía herba est **Aegypto** peculiaris. Vnde **Martialis**:
Niliac

Niliacum ridebis olus, lanasq; sequaces, Improba quum morsu
fila manuq; trahes.

Corruda.

Corruda herba est quedam sylvestris, qua superioris **Germaniæ** campos refertos esse scribit Plinius libro 19. cap. 8.

Carduis.

Volaterranus ait Carduos **Hispanos** miræ magnitudinis
esse, præstantisq; saporis. Plinius eos commendat, qui apud **Carthaginem**, & **Cordubam** nascuntur.

Cappari.

Capparis frutex est humi sparsus, spinosus, hami instar, nascens
in locis asperis, & grana habens mali punici granis similia. Opti-
mus aduchitur ex **Alexandria**.

Conserua.

Conserua herba est à conseruando nomen adepta, frequens
in fluminibus **Alpium**.

Casia.

Casia, herba est suauissimi odoris, & **Cynnameæ** uirtutis. Na-
scitur autem in Felici **Arabia**.

Cerasis.

Cerasus Cerasuntis, oppidum est Ponti, quod à Cerasorum
arborum multitudine nomen suum traxit. Reperiuntur etiam in
Lusitania, & ripis **Rheni**, inquit Plinius.

Cotoneis malis.

Cotoneis malis abundat **Cydon**, **Cretæ** oppidum, à cuius
nomine **Cydonia** aliter dicuntur.

Cancris.

Phœnicia Cancros habet littorales, tantæ uelocitatis, ut uix
comprehendi possint.

Cuniculis.

Plinius scribit tantam olim fuisse **Cuniculorum** in **Baleari-
bus** insulis multitudinem, ut populatis, & corrosis melisibus fa-
mem incolis attulerint.

Calceamentis.

Sicyon urbs fuit inter **Corinthus** & **Achaiam**, in qua fiebant
calceamenta, quæ in deliciis apud eos habebantur, qui cultui cor-
poris studebant, & elegantiae.

Chryfocolla.

Chryfocolla humor est in puteis, per uenam auri defluens.
Laudatior autem habetur in **Aurariis Cypri**. Laudatissima
est

est in **Armenia**: Secunda in **Macedonia**: Largissima in **Hispānia**, inquit Plinius.

Cotícula gemma.

Cotícula gemma est, arguens cuiusmodi, & quā purum sit aurum. Aliter Heraclius, seu Lydius dicitur. Reperitur in flumine **Tmoli** **Armenia**.

Carbunculis.

Carbunculus lapillus est, ignis fulgorem proferens. Laudatissimus aduehitur ex **India**, licet **Carthagine** & **Massylia** reperiatur.

Calce.

Volaterranus ait in **Tybare** oppido ingentes esse fornaces, ubi Calx effoditur.

Cotono.

Cotonum uerbo Gallis peculiari, est lana, seu lanugo tenuissima, mollitia, & candore excellens, qua delicatæ uestes Aegyptiis sacerdotibus quondam fiebant. Aliter Gossipium uocatur, Nascitur in **Calabria**: in insula item **Maltha** prope Siciliam: sed optimum uenit ex **Syria**.

Carpionibus.

In **Banaco** lacu (quem ab anguillarum multitudine commendat Plinius) nunc frequentes inueniri Carpiones testis est Volaterranus.

Cocco.

Coccus pro purpura sumi solet: unde uestes Coccinae. Martial. Coccina famosæ donas, & Ianthina mœchæ. Quintil. lib. i. Non dum uerba exprimit, & iam Coccum intelligit. At Coccum in neutro genere granum est, seu frutex, quo fullonum tinctura conficitur. Nascitur optimum in **Asia** partibus. Nunc omnium optimum è **Valentia** Hispaniæ oppido aduehitur. Est & **Eliberis** urbs Hispaniæ, quæ ab eius grani copia Granata dicta est.

Chalbana.

Chalbana frutex est odoratus, seu liquor ferulæ, Turis specie, Metopion aliqui uocant. Reperitur in **Syria**.

Cercopythecis.

Cercopytheci animalia sunt de genere Simiarum, cauda quinū cubitorum, barba propensa, coma humana, alba facie, reliquo corpore nigrantes. Versantur in montibus Indiarum apud **Taxilam** ciuitatem, copia quidem tanta, ut Alexandro illac transcunti, terrorem incusserint.

Callitrichibus.

Callitriches etiam sunt de genere Simiarum. Barbam habent in facie, & lata sunt cauda, neq; uiuunt in altero, quàm **Aethios pico** solo.

Cynoprofopis.

Cynoprofopi animalia sunt eiusdem ferè speciei, capite, dentibus, ac pelle canibus propè similes, hominibus reliqua. Reperiuntur in desertis **Indiae** Aethiopiam uersus.

Catoblectis.

Catoblectum **Africa** gignit, tauro propè similem, aspectu terribilem, superciliis altis, extantibus oculis, in recessu sanguineis, & in terram semper depressis, iuba equina, quam ad certamen erigit.

Chenalopecibus.

Chenalopex auis est minor Anseris, ex Vulpis & Anseris forma, Aquilæ & Feli inimicus, foetum mira complectens charitate. Plinius ait hanc auem frequentem esse apud **Britannos** in menfarum deliciis.

Cinnamulgis.

Cinnamulga auis est in **Arabia**, quæ in surculis sui nominis ædificat.

Cephalis piscibus.

Cephalus piscis est, à cuius frequentia **Cephalenides** insulæ iuxta **Actium** oppidum nomen traxerunt.

Citharædis piscibus.

Citharædum piscem habet mare rubrum, cui inde nomen datum, quòd à cauda ad uerticem lineas habeat instar neruorum musici instrumenti distentas.

Coronis.

Elis urbs fuit Græciæ prope quam celebrabantur ludi Olympici: uariisq; coronis donabantur pugiles, & Athletæ. Seneca in Troade: Pharin, an Pisam Iouis & coronis **Elida** Claram.

Castaneis.

Habent **Petragorici**, Galliæ Aquitanicæ populi, tantam castanearum & glandium multitudinem, ut earum arboribus & syluis plena sit regio, quibus porcos pinguefaciunt, & saginant. Laudatissimum castaneis putatur **Tarentum**, & in **Campania Neapolis**.

Cetis piscibus.

Plinius lib. 32. scribit, Cetos sexcentorum pedum longitudinis,
& tre

& trecentorum sexaginta latitudinis in flumē **Arabix** intrasse.

Coracini pisces peculiare sunt Nilo.

Cerusam habet Rhodus.

Cotes Taygetus & Creta.

CrySTALLUM India.

Cylindros gemmas India.

Coralochatem Creta & Oeta.

Cacopyritem gemmam Cappadocia.

Choaspitem Choaspes.

Cytisum, herbam, Cyclades.

Caprificos arbores Cea insula.

Cucumeres Africae copiosissimi sunt & grandissimi. Præcipui nascuntur in Arabia, mox Cyrenis. In Arcadia similes Heliotropio.

Cyminum herbam habet Aethiopia. Coriandro abundat Aegyptus. Camelos inter armenta pascunt Orientales. Plinius.

Draconibus.

Frequentes sunt in **Massyllia** Africae Dracones, qui propterea Masyli dicuntur à poëtis. Pamphilus Saxus: Aurea Masyli uincunt, quæ poma Draconis.

India fert Dracones tantæ magnitudinis, ut Elephantés (quibuscum certant) circumflexu facili ambiant, nexuq; nodi præstringant. Autor Plinius lib. 8. cap. 11. Apuleius libro 11. Hinc dracones Indici, Inde Gryphes Hyperborci.

Generat Dracones **Aethiopia**, Indicis pares, uicenum cubitorum.

Asachei quoq; populi sunt in Aethiopia, apud quos maxime nascuntur, ita ut cratium modo impliciti erectis capitibus uelificent ad meliora pabula Arabiae. Autor idem Plinius.

Disciplinis.

De **Athenis** Cicer. lib. 1. de Oratore: atq; ut omittam Græciam & illas omnium doctrinarum inuentrices Athenas, in quibus summa dicendi uis, & inuenta, & perfecta est. Unde & Ouidius in Epist. Atque aliquis doctas iam nunc eat (inquit) Athenas.

Diuitiis.

Fama est **Syracusanos** opibus olim adeò creuisse, ut sequenti prouerbio fecerint locum, Vobis ne decima quidem Syracusanorum adest, quum diuites alloquimur. Est & aliud argumentum miræ eius urbis opulentix, quòd die quodam, terrestrem

strem & maritimum contraxerit exercitum.

Non aliam ob causam poëta fingunt imbrem aureum olim in Rhodū pluuisse, quā ob immēsas eius urbis diuitias. *Quintianus* in Cleopoli: Sit fertilis auro Magna Rhodos, quondam descenderit aureus imber In Rhodon.

Dictamo herba.

Dictamus, seu Dictamum herba est, qua lacerti cum serpentibus pugnaturi se refouent. Frequens est autem in *Ida* monte *Cretæ*. *Vergil. lib. 12.* Dictamum genitrix *Cretæ* carpit ab *Ida*.

Dipsadibus serpentibus.

Dipsas serpens est minor uipera, qua demorssi, feruescunt siti, & tandem emoriuntur. Frequens est apud *Garamantes*. *Vnde Syllius libro 13.* Quippe atro rapidas effervescente ueneno *Dipsadas*, immensis horrent *Garamantes* arenis. Reperiuntur etiam in *Libya* & *Arabia*.

Equis.

Argos ab equorum præstantia cōmendat *Horat. lib. 1. Car.* dicens: Plurimus in *Iunonis* honorem Aptum dicet equis Argos, ditesq; *Mycenas*.

Equo pugnare, *Thessalorum* est inuentū. Et primum in *Thessalia* equi usus repertus est. *Lucanus*: *Thessalicus* sonipes, bellis ferilibus omen. Antiquitus prima laus fuit Equarum *Thessaliæ*. Hinc adagium *Erasmus* positum, Decernitur equa *Thessalica*, De summo præmio. *Cæsar* equorum *Thessaliæ*, in tauros dimicantium, eosq; perimentium spectaculum *Romæ* exhibuit. *Strabo* quoque ait *Thessaliam* pascendis equis esse commodissimam, qui *Arcadicos* & *Epidauricos* maxime præcellant.

Asturia urbs *Hispaniæ*, equos habuit (qui *Tollutarij* dicuntur) gressus molliter glomerantes, alterna crurum explicatione. *Martialis*: Hic brevis ad numerum rapidos qui colligit ungues, Venit ab *Hispanis* gentibus *Astur* equus.

Agragas, seu *Agrigentum*, *Siciliæ* oppidum, habuit optimos equos. *Verg. lib. 3. Aen.* Arduus inde *Agragas* ostentat maxima longè *Mœnia*, magnanimū quondam generator equorum.

De *Bilbili* *Celtiberiæ* ciuitate. *Mart.* Videbis altam *Liciane* *Bilbilim* *Equis* & armis nobilem.

Nisæus mons est in *Media*, in quo pulcherrimi itidem nascuntur equi.

De *Elide* *Græciæ* urbe, *Propert. lib. 1.* Et quas *Elis* opes antè pararat equis. *Tibul.* Qui prior *Elæo* est carcere missus equus:

De Ar

De **Argæo** Cappadociæ monte, Claudianus libro 2. in Ruffi. Volucrumq; parens Argæus equorum.

In **Olyssippo** Hispaniæ urbe, equæ Venerem sibi figurantes, hausto Fauonio dicuntur concipere.

Equis abundat **Scythia**, Asinis carens, propter immensum frigus. Sunt in eadem regione populi, equorum carnibus uescentes, quos Ptolemæus Hippophagos uocat. Scythæ (inquit Plinius) equitatus & equorum gloria strepunt.

Nesi populi sunt in Scythia Europæa, optimis quondâ equis abundantes, quibus reges utebantur.

Irlandiæ regio equos habet uetustiores, præcipua bonitate, quos Vbinos uocant, celeriores Anglicis.

De **Satriano** urbe Appuliæ, Horatius, Me Satrianæo uetari rure caballo.

Tunis urbs Africæ, habuit præstantes cursu, quos Barbaros uocant, quales in Massylia, Numidiaq; passim reperiuntur.

Ex Tyrrheni maris insulis, præsertim **Corfica** & **Sardinia**, adducuntur breues admodum, sed animo generoso, atque audaci ingressu, & irrequieto.

Ex **Germania** grauiiores, qui Succussarij dicuntur Festo, No- nio Tortores, Plauto Cruciantes.

Herodotus scribit in **Paremitana** regione Aegypti equos esse fluuiales, ungulis bouinis, simo naso, equina iuba, eminentibus & cancellatis dentibus, fulgida cauda, magnitudine maximè tauri, crasso corio, ut ex eo arefacto fiant pila missilia. Idem ait circa Mæotis paludem (unde profluit Hypanis) equos esse syluestres & candidos.

Elephantibus.

Corfelliæ oppidum est in Africa, ubi prægrandes sunt Elephanti, quorum etiam multitudo est in tota ferè Africa. Plin.

Sala quoque oppidum Mauritanicæ, greges habet primos Elephantum.

Plinius de **Tingitania** Africæ prouincia scribens, Ipsa (inquit) prouincia ab Oriente montosa fert Elephantes.

Herodotus in **Thalia** ait, **Aethiopiam** terrarum habitatarum ultimam uastos ferre Elephantos, prominentibus utrinque dentibus.

Libya. Syllius libro 3. Belua nec retinet tardante Libyssa timore.

Plinius scribit in **India** gentem esse, cuius rex quadraginta

Appulia. Idem Horat. lib. 3. Car. quàm si quicquid arat impiger Appulus, Occultare meis diceret horreis.

Gargarus mons, seu Gargara in plurali. Ouid. Gargara quot segetes, quot habet Methymna racemos.

Morauia regio Bohemiae uicina pabulo, frumento, & pecore abundat.

Frugibus.

Siciliam frugibus esse fecundissimam constat. Stroza pater: Aruaq; frugifera pingua Sicaniae. Hinc orta est fabula de Cere, quae ibidem fruges, & modum arandae terrae demonstrasse dicitur. Et Cicero Siciliam horreum populi Romani uocat, quae saepe maximos pauerit exercitus.

Strepit etiam hac ubertate **Italia.** Vergil. lib. 2. Georg. Salue magna parens frugum Saturnia tellus! Plin. libro 3. cap. 5. Italiam uocat terram omnium terrarum alumnam.

Idem lib. 5. de Africa loquens, Ita (inquit) appellatur regio fertilitatis eximia, cum centesima fruge agricolis saecus reddente terra. Horat. lib. 3. Car. Fulgentem Imperio fertilis Africa.

Hispania. Martianus Capella: Europae (inquit) lumen Hispaniae contributum, ferili frugum, optimaeq; prouinciæ, metallorum auriq; foetura, & meri marmoris, gemmarumq; muneribus praedicandae.

Sardinia. Claudianus: Humanæ speciem plantæ se magna figurat Insula. Sardinia ueteres dixere coloni, Diues ager frugum.

Plinius lib. 21. cap. 15. scribit, Aegyptum frugum esse fertilissimam. Vnde Priscianus, seu Rhennius in Dionysij Geographia: Hinc Nilus currens ad partes flumine pingui, Fertilis Aegypti terras fecundat opimas.

De **Fortunatis insulis**, Horatius in Epodo: Petamus arua, diuites & insulas, Reddit ubi Cererem tellus inarata quotannis.

Homerus scribit, templum Cereris fuisse in **Pyraeo** urbe Phthiae, propter copiam frugum eius loci.

Aroa urbs Achaiae, nomen sumpsit ab Aratro, quod sit pariter ferax frugum.

Est fertilis **Thracia** frugum & frigore, & aestibus, ut Africa & Aegyptus, inquit Plinius.

Fructibus.

Plinius libro 5. scribit **Atlantem** Mauritaniae montem, opacum; numerosumq; esse, & scatebris fontium riguum, quae spectat Africam, Fructibus omnium generum sponte ita subnascantibus, ut nunquam

ut nunquam satietas uoluptatibus desit.

Cicero de lege Agraria contra Rullum: **Campania** (inquit) semper superbit bonitate agrorum & magnitudine fructuum, salubritate aëris, & pulchritudine regionis.

Viuaresium provincia est superior linguz Oxitanæ, Rhodano contermina, qua prospicit Orientem, terra quidem montosa, ruentibusq; impetu miro torrentibus ubique frigua, frequens & uelut turrita montium mulitudine, præter cæteras Galliz partes. Quod tamen de bonitate, & fertilitate loci nihil adimit, imò uerò auget inusitata quadã natura. Nam (quod est præcipuum) uina profert laudatissima, omniumq; laudibus, nemine reclamante, longis interuallis anteferenda. Qua parte respicit Occidentem, montes habet, electissimis, raraq; bonitate castaneis refertissimos. Omnium præterea pomorum, nucum, & aliorum hoc genus fructuum adeo ferax, ut nec pyra Calabriz, nec hortos Hesperidum, nec Phæacum pomaria conferre liceat. Granis, herbis, floribus, uolis, fructibus in tantum fecunda, ut in ea pingenda, omnibusq; dotibus ornanda, uires suas exercuisse natura uideatur. Vbertatem & copiam leguminum si uideres, rapereris in admirationem, tibiq; iucundum esset istic relicta patria exulare. Nec immerito Viuaresium, à uita, aut uiuariorum multitudine nomen meruit. Habet enim leporaria, ornithones, auaria, & cætera, quæ uillaticam decent passionem.

Fagis.

Plinius libro 16. scribit ex Cornelij Alexandrini testimonio, dulcissimas esse fagos in Chio insula, earumq; glandibus obfessos ibidem homines diu durasse.

Feris.

Polybius apud Plinium prodit, ab Atlante Occasum uersus, saltus esse plenos feris, quas generat Africa.

Scythia regio feris abundat, propter solitudinem hominum eius regionis, qui nullis certis sedibus utuntur, sed uagi feruntur in plaustris. Vnde & Scytharum solitudo, transit in prouerbiū.

Ferro.

Chalybes populi sunt in Ponto, prope Thermodoontem, qui optimo abundant ferro. Verg. lib. 1. Georg. India mittit ebur, molles sua tura Sabæ: At Chalybes nudi ferrum.

Norici Alpium populi, uenas ferri laudabiles habuerunt. Hinc Horatius ensē uocat Noricum, dicens: Quas neque Noricus Deterret ensis.

Hydris.

Nilus fluitius. Mantuanus in Aprili: - Niligenas abigens ab ouilibus Hydros.

Helleboro.

Plurimum hellebori nascitur in **Oeta** monte. Autore Plinio.

Supra **Antyciram** quoque montes sunt petricosi, in quibus copiose prouenit helleborum. Hac autem herba purgantur infanæ. Propterea **Linus Drusus** Tribunuspl. quum morbum comitalem pateretur, Anticyram dicitur nauigasse, in eaq; insula helleborum bibisse, atque ita morbo liberatam. Vnde etiam **Horatius** in Arte: Si tribus Anticyris caput insanabile, nunquam **Tonsori Licino** commiserit.

Apud **Helyconem** Bæotiz montem, nascitur quoque optimum, & cerebro utile, purgandæq; infanæ itidem efficax.

Herbis.

Homerus apud **Plinium** lib. 15. gloriam herbarum **Aegypto** tribuit. **Diodorus** de Aegypto loquens: Terra (inquit) inculta relicta pecori ad pastum adeo exuberat herbis, ut oves bis anno pariant, bisq; præbeant lanam.

Aeschylus apud **Plinium** **Italiam** herbarum potentia referatam prodit.

De **Acı** fluio. **Ouidius** libro 4. Fastor. Præterit & ripas heribifer **Acı** tuas.

Epyrus, Idem **Ouid.** lib. 8. Metam. Misit aprum quanto maiores herbida tauros Non habet **Epyrus**.

Herbis ueneficis.

De **Caucaso & Scythia**, **Claudianus** lib. 1. in Ruff. Funestatumq; potestas Herbarum, quicquid letali gramine pollens **Caucasus & Scythicæ** uernant in gramine rupes.

Colchos & Iberia. **Hor.** in Epod. Herbasq; quas **Colchos** atque **Iberia** mittit uenenorum ferax.

In **Ponto** quoque prouentus est malorum graminum. **Verg.** in Bucolicis: Has herbas atque hæc **Ponto** mihi lecta uenena Ipse dedit **Mæris**, nascuntur plurima **Ponto**.

Thessalia. **Tibul.** lib. 2. Quicquid habet **Circe**, quicquid **Mædea** ueneni, Quicquid & herbarum **Thessala** terra dedit.

Hortis.

In **Phæacia** horti fuerunt memorabiles, & pomaria nariis referta fructibus. Quæ quum inagno studio coleret rex eius loci **Alcinous**, Deus hortorum creditus est. **Stat.** lib. 1. Syl. Quid Bifera

Alci

Alcinoi laudem pomaria, uosq; , Qui nunquam uacui prodistis
in aëra rami.

Syria fuit in hortis operosissima, autore Plinio. Inde quoque
est prouerbiū Græcis, Multa Syrorum olera.

Hyacintho.

Hyacinthum florem mittit **Aethiopia**. Frequens etiam
nascitur in Thermis Diocletianis. Eximie quoque prouenit in
Gallia, Autore Plinio.

Hysopo.

Hysofum montanum & hortense optimum nascitur in **Cis-
licia**, in **Tauro** monte. Dein probatur **Pamphilium** &
Smyrnæum.

Helenio.

Helenium flos est, quem lacrymis Helenæ fabulantur natum.
Reperitur in **Helena** insula.

Hippice.

Hippice herba est, qua pasti equi diurnam famem sustinent.
Vnde nomen sumpsit. Frequens est in **Scythia**. Prædulcis circa
Bœotiam.

Herodii.

Herodij aues sunt prope flumina degentes, frequentes in **Dios-
medæa** insula.

Hircis piscibus.

Hirci pisces circa **Cyrenaicum** **Sardoum**que mare ober-
rantes uisuntur cum Delphinis.

Aliis rebus.

Heliotropium herbam mittit **Aethiopia**.

Hephestitem gemmam, **Corycus**.

Hexeconthallithum gemmam, **Troglodytæ**.

Hæmatitem, **Aethiopia**.

Hydromellem, **Phrygia**.

Hyænas animalia, **Africa**.

Hematopodes aues, **Aegyptus**.

Hammoniacum, **Africa**.

Hyacinthos gemmas **Aethiopia**, atque etiam **Chrysolythos**,
aureo colore translucens. Quibus præferuntur **Indicæ**, & (si
uariæ non sint) **Bactrianæ**.

Ignibus.

A **Etna** inter montes igniferos numeratur. **Lucanus** libro 1.
- Et ardentia ciuilia bella sub **Aetna**.

Iaculis.

Gnosos urbs est Crete, cuius incolæ Iaculis clarnerrunt. Luca lib. 3. Gnososq; agitare pharetras Docta, nec Eois peior Gortyna sagittis.

Iuncis.

Inter Iuncos præstantissimus est Nabathæus, deinde Arasbicus, quem quidam Babylonitum uocant. Tertius Libycus, propè inutilis. Laudatur & Hispanus, quo fiunt funes.

Iri herba.

Iris herba est odorata, Raphano similis, unguentisq; & medicinæ aptissima. Frequens est in Cyzico insula.

Iride gemma.

Iris gemma (quam crematam, tusamq; ad Ichneumonũ morsus remedio esse Horus apud Plinium prodit) nascitur in Perside.

Ifati.

Ifatis herba est fallonia, rubro colore, quam mittit Syria.

Iuniperis.

Scribit Plin. lib. 16. uastas esse iuniperos in Hispania.

Insulis.

Idem lib. 3. ait, Illyrici oram mille amplius insulis frequentari, propter naturam uadosi maris.

Ichneumonibus.

Ichneumón serpens aspidi infestissimus frequens est in Aegypto.

Ibidibus.

Ibis auis circa Pelusium tantum nigra est, cæteris omnibus locis candida.

Lanis.

Miletos Asiæ fuit ciuitas, præstantia Lanarum (quæ ibidem inficiebantur) memorabilis. Virgilius lib. 4. Georg. Quamuis Milesia magno Vellera mutantur Tyrios imitata colores.

Tarenti quoque optime inficiebantur Lanæ. Horatius libro secundo Serin. Lana Tarentino uiolas imitata ueneno.

In **Canusio** Appuliæ oppido, & Caledonia, seu Britannia fuit eximia lanarum bonitas. Quintianus in Cleopoli. Fama Caledoniæ fileat miracula Lanæ Et Canusina simul.

Lingonicas lanas probat Martialis lib. 11. dicens, Lingonicis ægeum tumeat tibi culcitra Lanis.

De **Melita** insula maris Siculi, Silius libro decimoquarto: Telaq; superba Lanigera Melite, & litus piscosa Melacte.

Luceria uetus fuit Dauniorum oppidum, ubi sacrum **M**inervæ

neruæ fanum extitit. Eius Lanas probat Horatius lib. 3. Carm. Te Lanæ propè nobilem Tonſæ Luceriam, non citharæ decent. Plinius lib. 26. comendat Galaticas, Tarentinas, Articas, Mileſias.

Plinius lib. 8. de lanis & ouibus loquens : **Hispania** (inquit) nigri uelleris præcipuas habet, Polentia iuxta Alpes cani, Aſia rutili, quas Erythras uocant, Item Betica, Canuſium : Fului Tarentum.

Laſerpicio.

Laſerpicium genus eſt herbæ pretioſiſſimæ, & in medicinis optimæ (Silphium Græci uocant) cuius ſuccus Laſer, folium Maſpetum dicitur. Naſcitur hæc herba in diuerſis locis : ſed omnium laudatiſſima eſt apud **Cyrenem** Libyæ urbem. Catullus ad Lesbiam : Quam magnus numerus Libyſſæ arenæ Laſerpici feris iacet Cyrenis.

Lentiſco.

Linternus Campaniæ fluuius Lentiſco arbore abundat. Oui. lib. 15. Hinc calidi fontes, lentiſciferumq; tenetur Linternum.

Lactucis.

Plinius lib. 19. ait, Lactucas in binos pedes aliquando ſe pandere, ſed in **Circelenſi** agro ampliſſimas prouenire.

Lauris.

In **Olympo** monte (inquit idem lib. 16. cap. 33.) nulla eſt arbor Lauro copioſior.

Idem lib. 15. Laurus (inquit) non quia perpetuò uiſet, nec quia pacifera eſt, præferenda utiq; Myrto, & Oleæ eſt : ſed quia ſpectatiſſima in monte Parnaſſo, ideoq; etiam Apollini grata. Ouid. lib. 11. Ille caput ſlauum Lauro Parnaſide uinctus. Verg. lib. 2. Georg. Et iam Parnaſia laurus Parua, ſub ingenti matris ſe ſubiicit umbra.

Laurum Peneiæ plerunque appellant poëtæ, à **Peneo** Theſſaliæ fluuiio, iuxta quem frequens eſt hæc arbor. Valer. Flaccus lib. 1. Et in ſummo Laurus Peneia Cano.

Permeſſum Bæotiæ fluuium, Lauros habere docet Pontanus lib. 2. de hortis Heſperid. dicens : Bænaci de fonte ferat Permeſſida Laurum.

Phocis. Sabell. in Eleg. Phocicę Laurus, Libethridūq; chori.

Sicyon quoque urbs Oleo & Lauro abundat, unde Sicyonia bacca dicitur.

Plinius lib. 15. ait, plurimam Laurum in **Ida**, & circa **Heraſcleam** Ponti prouenire.

Lacte

Lactē. *Saffina* urbs Vmbriae, Plauti patria, Lactē abundat. *Martialis*: Meram. quod lactis Saffinate de sylua.

Lituanīa tantam habet lactis copiam, ut eius regionis incolae semper ferē lacticiiniis utantur, & melle.

Habent & *Fortunatae insulae* magnam uim lactis: Vnde *Hora.* in Epod. Illic iniussae ueniunt ad mulctra capellae, Refertq; tenta grex amicus ubera.

Leonibus.

Africa. Ouid. lib. 4. Trist. Tempore Pœnorum compefcitur ira Leonum. Idē de omnibus propē Africę partibus memoratur.

Getulia. Hora. Atquinon ego te, Tigris ut aspera, Getulus'ue leo, frangere persequor.

Lybia. *Martial.* lib. 7. Iam cernes Libycum uallo assultare leonem.

Caspia. *Status* libro 8. Theb. Cæde redit, sic Hircana leo Caspius umbra.

Marmarica. Seneca in Agamēnone: Marmaricus leo Morfus cruentos passus audacis leæ.

Massylia. *Codrus*: Antē pauens capiet Massylum dama leonem.

Habet & *Parthia* leones. *Marullus*: Quos fera tygtis, quos leo Parthicus.

Mauritania. *Pontanus*: Sed prius aut Mauro ueniam fera præda leoni. *Horatius* lib. 1. Carm. Nec Iubæ tellus generat leonum Arida nutrit.

Plinius libro octauo scribit solam *Syriā* leones nigros alere.

Lente.

Lens legumen est, quo qui uescerentur, olim æquiore animo fieri crediti sunt. Frequens est *Aegypto*, *Pelusia* Nili ostio. *Martialis*: Accipe Niliacam Pelusia munera lentem. *Verg.* lib. 1. *Geor.* Nec Pelusiace curam aspernabere lentis.

Lino.

Abundat *Aegyptus* Lino tenuissimo. *Syllius* lib. 3. Et Pelusiaco filum componere Lino. Argumentum maximæ tenuitatis est, quod singula fila ccc l x v. filis constare dicantur, cuiusmodi uisa sunt in Thorace Amasis regis, qui Rhodi uisebatur. Autore *Plinio*. Aethiopes, & Indi ex malis, Arabes ex cucurbitis, Asiatici ex gepista Lina demetunt.

Est & sua gloria *Cumano* in Campania, quo ad piscium capturam

pturam utuntur eius urbis incolæ.

Carbasinum Linum apud **Tarraconem** repertum est, ex quo nautica uela conficiuntur: Ex quo & **Carbasus** nomen habet.

Nascitur Linum in desertis Indiæ, apud **Caristum** insulam, tanta bonitate & excellentia, ut margaritarum adæquet pretium. **Carbasinis** uestibus Indi & Arabes corpora uelant, quæ sunt auro purpuraq; distinctæ, ut scribit Curtius. Vnde Propertius libro 4. Raptæ uel odorato **Carbasa** lina duci.

Setabis urbs Hispaniæ agrum habet nomine **Spartarium**, à **Sparto** lini genere. **Plinius** quoq; scribit citeriorem Hispaniam habere splendorem lini præcipuum. **Setabica** lina probat **Catullus** dicens: Nam sudaria **Setaba** ex **Iberis** Miserrunt mihi muneri **Fabullus**.

Larice.

Laricem arborem frequentem esse in **Ida**, docet **Plin.** lib. 16.

Luto fictili.

Samon & **Saguntum** **Luto** fictili ad uasa aptissimo abundare certum est. **Martialis** lib. 8. Ficta **Saguntino** **Cymbia** malo **Luto**. Eandem ob causam **Lagœna** uocatur **Saguntina** à **Iuuenale**.

Lænis uestibus.

Pellene urbs fuit **Achaïæ**, à **Pellene** **Titane** condita, apud quam optimæ fiebant **Lænæ** uestes, quæ egregiè bellantibus dabantur in præmium uirtutis.

Lapide speculari.

Lapis specularis in **Hispania** reperitur, & in **Bononia** **Italia**, quem quidam humore terræ glaciari modo **crystalli** dicunt.

Ladano.

Ladanum frutex est odoratus, quo abundant **Arabes** & **Nasbathæi** **Syræ** contermini.

Lacertis.

Nascuntur in **Arabia** **Lacertæ** duorum cubitorum, In **Nysa** uerò monte **Indiæ** x x i i i i. pedum longitudine. **Volaterranus** scribit in **Aethiopiæ** insulis captam à regibus **Lusitanæ** **Lacertam** octonam cubitorum longitudine, tanto oris rictu, ut solidum infantem deuorasset.

Capraria una ex **Fortunatis** insulis, itidem **Lacertis** referta est. Autore **Plinio**.

Locustis.

Incolæ **Gasij** montis adeò quondam **locustis** infestati sunt, ut
contra

contra eas Iouis auxilium implorauerint, & Seleucidum auium eas perimentium aduentum.

Graculi à **Theſſalis**, **Illyriis**, & **Lemniis**, nutriuntur contra locuſtas, quorū ui maxima obruuntur, ubi certa meſura eſt præſinita, quā ſinguli quot enecarūt ad magiſtratus deferant.

Magneſij & **Ephēſij** contra locuſtas ordine militari ad bellum exeunt, tanta eorum animalium ſcatent multitudine.

In mari **Indico** locuſtæ aquatiles quaterna implent cubita, autore Plinio. In India ternū pedum longitudinis eſſe traduntur, eruribus & femoribus ſerrarum uſum præbentes quum inaruerunt.

In **Cyrenaica** regione lex eſt ter anno debellandi eas.

Necare & in **Syria** militari imperio coguntur, quæ tamen Parthis in cibo gratæ ſunt.

Lupis piſcibus.

Lupum piſcem laudatiſſimum capi **Romæ** in Tyberi fluuio ſcribit Plinius lib.9.

Lupis feris.

Cælius ſcribit Lupos apud **Crotoniatas** maximè ſcatere, à quibus Milonem ibidem deuoratum ſcribit.

Lagnibus.

Lagnis piſcis apud **Mæandrum** & **Lycum** **Aſiæ**, itē apud **Strymonem** **Europæ** fluuios cernitur.

Loto.

Loton arborē gignit **Africa**, ſed præcipua eſt circa **Syrtes**, atque **Nafamones**. Autore Plinio.

Lilio.

Lilium laudatiſſimum eſt in **Antiochia**, & **Laodicea**. **Syriæ**, mox in **Phaſelide**. Quartum locum obtinet in **Italia** naſcens.

Suſa urbs Perſarum à Memnone condita nomen ſumpſit à Liliorum multitudine. Nam Perſæ Suſam uocant Lilium.

Leporibus.

Baleares inſulæ tot quondam leporibus obrutæ ſunt, ut eius loci habitatores aduerſus prouentum eorum, auxilium militare ab Auguſto petiuerint. Nam prius famem regioni populatis meſibus attulerant. Leporem marinum tactu peſtilentem habet Indicum mare.

Lyncibus.

Lyncas frequentes generat **Aethiopia**. Autore Plin. li.8. ca.12.

Habet

Habet **Ledonem** herbā Arabia, Lesbidem gemmā Lesbos.

Melle.

HYbla mons Siciliæ optimo abundat melle. Martialis libro 11. Mella iubet Hyblæa tibi, uel Hymettia nasci.

Sicilia. Varro libro 3. de re Ru. Propter hoc Siculum mel fert palnam, quod ibi thymum bonum & frequens est.

Hymettus mons Atticæ. Statius lib. 6. The. Strident & Hymettia mella.

Attica. Ouidius : Adice de flauis Attica mella fauis. Plinius: Mellis Attici in toto orbe summa laus existimatur.

Calydna una est Cycladum, mellis itidem ferax. Ouidius lib. 8. Dextra Lebynthos erat, fœcundaq; melle Calydna.

Scribit Plin. Sabæos esse ditissimos sylvarum fertilitate odorifera, auri metallis, agrorum, rigui mellis, cæræq; prouentu.

Calabria. Horat. Quanquā nec Calabræ mella ferūt apes.

In **Fortunatis insulis** copia est optimi mellis. Horatius: Mella caua manant ex ilice montibus altis.

Cyrnus insula est abundans melle, sed illaudato. Vergil. Sic tua Cynæas fugiant examina taxos.

Torini populi Indiæ uiscitant melle, quo affluunt. Val. Fl. lib. 6. Mellis honos Torinis.

Strabo ait in **India** arundines sine apum auxilio mel ferre suauissimum.

Mellaria oppidum Hispaniæ meruit nomen à copia mellis.

Marmore.

Sinada oppidum Phrygiæ, ad 1 x. stadia proximum habet uicem Docimum, ubi marmor nascitur, quod incolæ Docimitem, Romani Sinadicum uocant. Horatius: Quod si dolentem nec Phrygius lapis, nec purpuratum sydere clarior Delinit usus. Hac ratione Pontanus Idæas uocat columnas dicens: Hinc etiam templa Idæis innixa columnis. Statius lib. 1. Syl. Sola cauo Phrygiæ mittit quam Sinados antro, Ipse cruentauit maculis lucentibus Atys.

Commendatur & marmor **Numidicum**, quod M. Lepidus primus omniū Romæ ostēdit, maculis quidem purpureis uariatum: nam hunc lapidē Atys quum in Phrygia Cybelem fugeret, cruentasse dicitur. Vocatur autem Porphyrites. Plinius ait, præter marmoris Numidici, ferarumq; prouentum, nullum aliud esse regionis insigne. Martialis: Marmore picta Nomas.

Laconicum marmor uiride erat, & cunctis hilarius, omniumq;

mniumq; pretiosissimū. Stat. in Syl. Hic dura Laeonū Saxa uirent.

Tænarus Laconix promontorium marmor habuit laudatissimum. Tibullus : Quid uē domus prodest Phrygiis innixa columnis, Tænare siue tuis, siue Caryste tuis?

Thasos Cycladum una marmor habuit maculosum, quod Thasium dicitur.

Carystos urbs Euboix, marmor habuit laudabile, quo primus in columnis Romæ usus est Mamurra. Plinius : Carystos (inquit) nobilis, nobilior tamen marmore. Lucanus : Qua maris angustat fauces lapidosa Carystos.

Luna urbs Ethrurix marmor habuit candidum & lucidum, quam propterea metalliferam, id est Marmoris feracem, uocat Statius, dicens: An ne metalliferæ repetit iam mœnia Lunæ.

Eurotas Laconix fluiuius, ab eiusdē rei præstātia cōmēdatur.

In **Syene** Aegypti urbe fodiebatur etiam maculosum marmor, quod Pyropæcilos, id est, igneis maculis uariatum dicitur. Eo faciebant obeliscos Aegypti reges.

Paros quoque Aegæi maris insula marmor habuit laudabile. Plinius scribit Aegyptiū Labyrinthum lapideis è Paro columnis fuisse factum. Horatius: Vrit me Glycere uitor, Splendentis Pario marmore purius. Ouidius libro 3. Metamorph. Hæret ut è Pario formatum marmore signum.

Apud Sicyonem marmorum fuit nobilis uena, ubi Dipœnus & Scyllus cælatores patria Cretenses claruerunt.

Chlos quoque maris Aegæi insula, **Taygetus**, seu, **Taygetum** inons Laconix, **Hymettus** Atticæ, **Donisa**, **Liguria**, **Dalmatia** marmoris eximij laudem meruerunt.

Meretricibus.

In **Suburra** uico urbis Romæ fuerunt meretricum domicilia, quæ propterea Suburrane dicuntur. Pamphilus: Deq; Suburranis Thaida fornicibus. Martialis : Famæ non nimium bonæ puellam, Quales in media sedent Suburra.

Corinthus urbs tantis deliciis eneruata est, ut Veneris templum ibidem fuerit, ubi mille circiter elegātes meretrices paratæ erant lenientibus se prostituere, inter quas numerantur præcipui nominis, **Lais**, **Thais**, **Cyrene**, **Leæna**, **Synope**, **Phryne**, **Sicyono**. Vnde natum prouerbum, Corinthiari, id est, Lasciuire.

Myrtis.

Sparta. Vergil. in Battarum : Et uiolæ genus omne hic est, & Spartica Myrtus.

Orontes,

Orontes. Salmonius: Non Thabor horū animos, non myrtifer angit Orontes. **Eurotas.** Catullus: Quales Eurotæ perpingunt flumina Myrtos.

Metallis.

Ilua Insula Thuscæ adiacens, clarā est metallis. Verg. lib. 10. Ast Ilua trecentos, Insula inexhaustis Chalybum generosa metallis. Plinius: Venaria Ilua, cum ferri metallis.

De **Amathunte** Cypri ciuitate, Ouidius libro 10. At si forte reges fœcundam Amathunta metallis.

De **Temese** Cypri urbe. Statius libro 1. Syl. Et queis se totis Temese dedit hausta metallis. Ouidius lib. 15. Hippotadæq; domos regis, Temesesq; metalla.

De **Luna** urbe Ethruriæ, Statius libro 4. Syl. An ne metalliferæ repetit iam mœnia Lunæ?

Posidonius dicebat Plutum deum opulentia habitare subterranea **Hispaniæ**: tanta est in eo terrarum tractu, metallorum fœcunditas.

Italia (inquit Plinius) metallorum omnium fertilitate nullis cedit terris.

Murice.

Murex piscis est, cuius humore fit color purpureus, & quandoq; pro purpura capitur. Murice autem clarserunt loca sequentia: **Tyros**, Vergilius: Tyrioq; ardebat Murice læna.

Africa, Horatius: Te bis Afro murice tinctæ Vestit læna.

Baiæ. Idem lib. 2. Ser. Murice Baiano potior Lucrina Peloris.

Getulia. Idem, Argentum, uestes Getulo murice tinctas.

Phocis. Ouidius lib. 6. Metamorph. Phocaico bibulas tingebat murice lanas.

Tarentum. Sidonius: Muricis Tyrij, seu Tarentini conchyliato ditat indutu.

Sidon. Lucanus: Et Tyros instabilis, pretiosaq; murice Sidon.

Laconia. Pamphilus, Picta, nec Oebalio fulget quæ murice uestis.

Assyria. Sidonius: Assyrius murex, nec tibi ligna dabit. Idem dicendum de locis Ostro & purpura clavis.

Muribus.

Cosæ urbs Italiæ, murium quotidie erumpentium multitudine obruta est.

Tanta est in **Aegypto** murium abundantia, ut & segetes

populentur, hisq; litatione & uotis resistere oporteat.

Argillus mons Thraciæ dictus est à multitudine murium, qui in terra ibidem reperi sunt concertantes. Argillus lingua Thracum mns dicitur.

Scribit Plinius ex Gyarò Cycladum insula, incolas à muribus fugatos:

Plurimi & ad **Troadem** perueniunt, unde iam magno prouentu fugauerunt accolas.

Tantus fuit apud **Persas** murium prouentus, ut repertæ sint prægnantes in utero parentum. teste Plinio.

Messibus.

Haber **Aegyptus** binas in anno messes, ac totidem æstates. De **Africa** & Aegypto, Stadius lib. 3. Syl. Quod messibus Afris Verritur, æstiferi quicquid terit area Nili. Aegyptus ab antiquis orbis horreum uocata est, quò Dei animi gratia & salutis confugere soliti sunt.

Libya, Horatius: Quicquid de Libycis uerritur areis. Mart. Possideat Libycas messes, Hermumq; Tagumq;.

Coronia urbs Thessaliæ. Stadius lib. 7. Theb. Exilè Glisanta, Coroniamq; feracè, Messe Coroniam, baccho Glisanta colentes.

Gargarus mons in Ida. Claud. tam flauescencia centū Messibus, ætius detondent Gargara falces.

Mercibus.

Orientales populi uariarum rerum mercibus, ut gemmis, auro, argento, thure, Balsamo, cæterisq; rebus aromaticis abundant. Hinc Stroza filius merces Eoas uocat, dicens: Ille dat Eoa lectos de merce lapillos.

Thebæ urbs centum portarum fama nobilis copiosa fuit Indicarum, Arabicarumq; mercium.

Minio.

Minio pigmento abundat **Minius** Iberiæ fluius, nomè inde adeptus. Propert. Vt Mæotica nix Minio si certet Ibero.

Sisapo locus Hispaniæ optimū habet Minium. Pli. Celebrissimum Minium ex Sisaponensi regione Betica. Miniario metallo.

Reperitur & Minium apud **Colchos**, in rupe quadam inaccessa. Optimum uerò supra **Ephesum**.

Margaritis.

Margaritis lapillis abundat **India**. Plin. Quantum apud nos Indicis margaritis pretium est. Idem lib. 9. Principium ergo, culmenq; omniū rerum preiij, margaritæ tenet. Indicus maximè has mittit

mittit Oceanus. Bap. Pius : Indaq; gémiferis margaris acta uadis.

Habet etiam margaritas **Taprobane** Arabiæ insula : item **Perimula** promontorium Indiæ. Laudantur circa Arabiam in Persico sinu maris rubri.

Scribit Plin. **Cascandrum** insulam esse desertam in Oceano Indiam uersus, margaritis quæstuosam.

Tilos quoque Arabiæ insula, celeberrima est margaritis.

Palæogones incolæ sunt Taprobanes insulæ, auri, margaritarumq; grandium fertiliores quam Indi.

Tacitus scribit **Britanniam** aurum & argentum, aliq; metalla gignere, & Oceanum margaritas, sed subfuscas & liuentes. Suetonius ait Cæsarem in Britanniam nauigasse, causa Margaritarum.

Mulis.

Hispania. Stroza pater : Hispanasq; simul mulas, mannosq; Britannos Adde.

Murenis piscibus.

Mare Siculum. Martialis : Quæ natat in Siculo grandis murena profundo.

Plinius probat lupum Tyberis, Rhombum Rauennæ, Murenæ Siciliæ, & clopem Rhodi.

Sunt & prope **Tartessum** Hispaniæ urbem delicatæ Murenæ. Quintianus : Traxit & Tartessia Murena quosdam.

Magalibus.

Magalia, seu mapalia dicuntur Getulorum casæ, quæ calamis teguntur. Martialis : Tecum ego, uel sicci Getula mapalia Pœni, Et Poteram Scythicas hospes amare casas.

Ad hunc locum facere uidetur, quod Sallustius scribit de **Nuamidis**, quos ait habuisse alueos nauium inuersos pro tuguriis.

Scythæ quoq; non alias domos habuerunt, quam uolubiles, & plaustris ductiles. Vnde Horat. Campestris melius Scythæ, Quorū plaustra uagas rite trahunt domos, Viuūt, & rigidi Getæ.

Myrrha.

Myrrham arbusculam aromaticam succo distillantem habet **Arabia.** Vergilius in Cyri : Ille Arabis myrrhæ quondam qui cepit ocellos.

Habet Myrrham **Orontes.** Propertius : Aut quid Orontea cines perfundere myrrha?

Assyria. Pontanus : Et Assyriam redolentia pectora myrrham.

Excellit & **Troglodytica** Myrrha, quæ lucida est, subui-

ridis, & mordax.

Musculis.

Musculi pisces nascuntur in **Stymphali** Arcadiæ.

Muriis.

Antipolis urbs Asiæ, Muriis & Tynnis piscibus abundat. **Martialis**: Antipolitani fateor sum filia Tynni.

Monilibus.

India. Statius lib. 1. Syl. Huic Inda monilia Glaucû, Proteaq; atq; omnem Nereida quærere iussi. Vbi loquitur de forma, & cultu Violantillæ uxoris Stellæ poëtæ Patauini.

Murrhagemma.

Murrham geminam (qua fiebant murrhea, seu murrhina pocula pretiosa) multis in locis mittit **Parthia**. **Propertius**: Murrheaq; in partis pocula cocta focis.

Montibus.

Macedonia perpetuis montibus cingitur. Habet ab Oriente **Ossam** & **Pelion**, Ab occasu **Pindum**, Ab Aquilone **Olympum**, à Meridie **Othryn**.

Corfica quoq; montibus, tanquàm uerticibus, abundat. Unde & nomen sumpsit, Corfas enim tempora Græci uocant.

Molaribus.

Antron urbs est Thesaliæ, cauernis & cuniculis abundans, quibus optimi lapides ad molas eruuntur. **Gellius** uocat molas illas trusatiles, ubi loquitur de **Plauto**: quæ ait operâ pistori locasse, & fecisse quæstum in agêdis molis, illis, quas trusatiles uocant.

Melino.

Melinum pigmentum nomen sumpsit à **Melo** insula, unde exportatur.

Magnete.

Magnes lapis est argento similis, ferrum ad se attrahens. Reperitur in **India**, & in **Siphno** insula maris Aegæi.

Melonibus.

Melones (quos ueteres **Melopepones** dicebant) fructus sunt hortenses, qui humi rotundantur. **Spartianus** **Ostiensis** probat.

Muscis.

Plinius ait **Cyrenaicos** **Achorem** deum cōtra multitudinem muscarum inuocare, eiq; litare consueuisse. Muscarum multitudo depopulata est quondam **Megarenses**.

MYrica.

Myrica arbuscula, nascitur domestica in **Aegypto**, & alibi agrestis.

agrestis.

Myrobalano.

Myrobalanum arbor est frequens apud **Troglodytas** **Aethiopiæ**, Aromaticam ferens glandem, qua fit unguentum Preciosum. Palma quæ fert myrobalanum, probatissima est in **Aegypto**.

Malobathro.

Malobathrum unguentum est odoriferum **Syriz** regioni peculiare. Horatius: Cum quo morantem sæpe diem mero Fregi, coronatus nitentes Malobathro Syrio capillos.

Meliloto.

Melilotos herba est suavis & mellea, de qua Ouidius: Pars thyma, pars rores, pars meliloton amant.

Melilotos optimus est **Atticus**: Nascitur & in Campania circa **Nolam** mellini coloris, odorisq, uehementis.

Mantichora.

Mantichoram feram **India** gignit magnitudine leonis, pelle uillosa & purpurea, uultu & auribus propè humanis, triplici dentium serie in utraque maxilla, utrinque aculeis cuspidatam, quos in certamine pro telis iaculatur.

Monope.

Monopem animal tauri magnitudine habet **Pæonia**.

Muribus Araneis.

Muribus Araneis, (quos Herodotus Mygdalos uocat) scatet **Britannia**.

Monocerote.

Monoceros fera est squisissima, capite ceruino, pedibus elephantinis, cauda aprina, reliquo corpore similis equo, uno in fronte cornu duûm cubitorum armata: Nascitur in **Aethiopia**.

Margaris.

Margari pisces sunt ipse rotunda, & gregatim nantes, æ regem sectantes more apum. Reperiuntur in **mari rubro**.

Membranjs.

Membranæ **Pergami** primum repertæ sunt.

Malis punicis.

Malum punicum seu granatum, frequens est apud **Carthaginem**, unde cognomen sumpsit.

Malis Cydoneis.

Malis Cydoneis (quæ & Crotonea dicuntur) nomen dedit **Cydon** urbs **Cretæ**, in qua magnus fuit eorum prouentus.

agrestis.

Myrobalano.

Myrobalanum arbor est frequens apud **Troglodytas** **Aethiopiæ**, Aromaticam ferens glandem, qua fit unguentum preciosum. Palma quæ fert myrobalanum, probatissima est in **Aegypto**.

Malobathro.

Malobathrum unguentum est odoriferum **Syriæ** regioni peculiare. Horatius: Cum quo morantem sæpe diem mero Fregi, coronatus nitentes Malobathro Syrio capillos.

Meliloto.

Melilotos herba est suavis & mellea, de qua Ouidius: Pars thyma, pars rores, pars meliloton amant.

Melilotos optimus est **Atticus**: Nascitur & in Campania circa **Nolam** mellini coloris, odorisq, uehementis.

Mantichora.

Mantichoram feram **India** gignit magnitudine leonis, pelle uillosa & purpurea, uultu & auribus propè humanis, triplici dentium serie in utraque maxilla, utrinque aculeis cuspidatam, quos in certamine pro telis iaculatur.

Monope.

Monopem animal tauri magnitudine habet **Pæonia**.

Muribus Araneis.

Muribus Araneis, (quos Herodotus Mygdalos uocat) scatet **Britannia**.

Monocerote.

Monoceros fera est squisima, capite ceruino, pedibus elephantinis, cauda aprina, reliquo corpore similis equo, uno in fronte cornu duum cubitorum armata: Nascitur in **Aethiopia**.

Margaris.

Margari pisces sunt ipse rotunda, & gregatim nantes, æ regem sectantes more apum. Reperiuntur in **mari rubro**.

Membranis.

Membranæ **Pergami** primum repertæ sunt.

Malis punicis.

Malum punicum seu granatum, frequens est apud **Carthaginem**, unde cognomen sumpsit.

Malis Cydonis.

Malis Cydonis (quæ & Crotonea dicuntur) nomen dedit **Cydon** urbs **Cretæ**, in qua magnus fuit eorum prouentus.

Milio.

Milio gaudet **Campania**, pultemq; candidam ex eo facit.

Sarmatarum quoq; gentes hac maxime pulte aluntur.

Aethiopes non aliam frugem, quàm milij, hordei; nouere.

Habent & **Niuerni** agros milio, perinde ac frumento, aut alijs segetibus refertissimos, quo etiam contrito & in farinam redacto pultem conficiunt.

Malua.

Maluas Plin. scribit in **Arabia** septimo mense arborefcere, quod est argumentum magnæ fertilitatis.

Moly herba.

Moly herba à Mercurio reperta, maximè contra uenena efficacia, nascitur in **Cyllene** Arcadiæ.

Militibus.

Plinius scribit **Italiam** nuntiato Gallico tumultu solam sine externis ullis auxilijs armasse peditum l x x x. millia, Equitum d c c. millia.

Mulis piscibus.

Mulos pisces Septentrionalis gignit Oceanus, & proxima pars occidentis.

Merulis albis.

Merulæ circa **Cyllenem** Arcadiæ, nec usquàm alibi candidæ nascuntur.

Alijs rebus.

Mithridanion herbam generat Pontus. **Melichrysim** gemmam India. **Magudarim** caulem, Syria. **Mastichem** arborem Chios insula.

Niuibus.

Taurus, Othrys, Rhodope, Scythia, Thracia, nullo ferè tempore non rigem niuibus, gelu, ac glacie. Taurus, Remacus: Nubibus impono Taure niuose tuis. Scythia, Lucanus: Solibus & nullis Scythicæ, quum bruma rigeret, Dimaduere nives. Thracia. Statius lib. 11. Bistonix tepuere nives. Ouidius: Brachia Sythonia candidiora niue. Othrys. Claudianus: Lassâ per Othryas fundere membra nives. Rhodope. Onidius in Episto. Quâ patet umbrosum Rhodope glacialis ad Hemum.

Scribit Plinius **Atlantis** uerticem, altis etiam æstate, niuib; operiri.

Nemoribus.

Zacynthos insula non procul Corintho. Verg. lib. 3. Aene. iam

Iam medio apparet fluctu nemorosa Zacynthos.

Egaleos mons Atticæ. Statius lib. 12. Diues & Egaleos nemorum, Barnesq; benignus Vitibus.

Atlas (inquit Martianus Capella) nemorosus est, scatens fontibus, sed rupibus infœcundus.

Nucibus.

Auella urbs Campaniæ, nuces habuit præstantissimas. Plinius: Nuces Auellani capitis dolorem faciunt. Verg. Et qui mæli feræ despectant incenia Auellæ.

Plinius laudat **Tarentinas** amplitudine, & putaminis mollicie. Columella: Nucem Græcam Auellanam, & Tarentinam hoc modo facere poteris.

Thasia. Quintianus: Thasia nux quosdam, Cilix & piscis aliquos. Varro apud Gellium Scaros Cilices, nuces Thasias, palmas Aegyptias, glandes Ibericas inter cibos electiles reponit.

Optimum genus Nucum fuit **Persicum**, autore Plinio. Posititanus in Rust. Cornaq; cum Cerasis, duroq; putamine clausa Persica nux.

Plinius laudat **Ponticas**. Vnde Statius lib. 1. Syl. Quicquid nobile Ponticis nucetis.

Nardo.

Nardus, seu Nardum frutex est aromaticus, quo India & Persis abundant. Horatius: Nunc & Achæmenio perfundi Nard o, iuuat. Plinius: Cuius folia nihil ab Indico nardo distant.

Nymphis.

Oceanus Nympharum omnium pater est. Catullus: Non genitor Nympharum abluat Oceanus.

Napis.

Amiternum urbs Campaniæ Napis abundat. Martialis: Hos Amiternus ager felicibus educat hortis. Plinius: Napi uerò Amiternini (quorum eadem ferè natura) gaudent æquè frigidis. Napus in Aegypto mirè celebratur propter olei celebritatem, quod de semine eius faciunt.

Nebridibus.

Nebrides dicuntur damarum, seu ceruorum pelles. His abundat mons **Nebris** nomine, autore Solino.

Nitro.

Nitrum lapis est sulphuri commixtus, & natura sali proximus. Apud Epirum fit eodem quo sal modò. Optimum crescit in **Macedonia**, quod uocant Colestricum. In Aegypto conficitur

citur multò abundantius, sed deterius. Nitrariz egregiaz Aegyptiis circa Memphim esse consueuerunt.

Nasturcio.

Nasturcium herba est torporem & hebetudinem excitans. Frequens est apud **Babylonem**.

Neadibus.

Neades animalia sunt, quorum uoce abruptitur terra. Reperiuntur in **Samo** insula.

Narcisso.

Plinius ait probatissimum narcissum crescere in **Lyciaz** montibus.

Ostro.

Lemannus lacus, Gebennæ propinquus, colore muricis abundare arguitur dicto Ricardi Bartolini: Ostrifero maddum caput obiectare Lemanno.

Sarra, seu Tyros. Vergilius: Vt gemma bibat, & Sarrano dormiat ostro.

Sidon. Ouidius: Hic qui Sidonio fulget sublimis in ostro.

Assyria. Vergilius in Cyri: Non Libys Assyrio sternetur lectulus ostro.

Phœnicia. Ruffus Festus: Agenoreo color hinc mentirier ostro.

Tænarus mons Laconiz. Aegidius Maserius: Commendent ostrum Tænarus, atque Tyros.

Chalcedon. Luc. lib. 9. Pontus & ostriferam dirimat Chalcedona cursu.

Oleo, & Oliuis.

Venafrum Campaniz oppidum præcipuam olei laudem meruit. Martial. lib. 13. Hoc tibi Campani sudauit bacca Venasfrî Vnguentum. Horat. Pressa Venafranæ quod bacca remisit Oliuæ. Plinius, Et uulgò (inquit) principatum hoc bono obtinuit Italia toto orbe, maxime agro Venafrano.

Picenum regio Italiz. Martial. Si mihi Picena turdus Palleret oliua. Oliuam Picenam commendat Plinius.

Sicyon urbe Achaiz. Ouid. in Ibin: Aut ut oliuifera quondam Sicyone profecto.

Trebia, seu Trebula urbs Italiz: (quæ prius Nitisca dicebatur) etiam claruit oliuis. Verg. lib. 7. Ereti manus omnis, Oliuiferæ: Nitiscæ.

Peparethros insula. Ouid. lib. 7. Meta. Et Giaros, nitidæq; ferax

ſerax *Peparethos oliuæ.*

Ager Sabinorum. Ouid. lib. 3. Faſt. Primus oliuiferis Romam deductus ab aruis.

Eurotas fluuius Laconix. Stat. lib. 4. Theb. Taygetiq; phalanx, & oliuiferi Eurotæ Duræ manus.

Licabefos mons Atticæ. Stat. lib. 12. Parnesq; benignus Vitis, & pingui melior Lycabefos oliua.

Betis Hispaniæ fluuius. Martialis: Betis oliuifera crinem redimite corona. Plinius: Glareosum oleis ſolum aptiſſimum in Venafrano, pinguiſſimum Betica. Idem: Betica quidem meſſes uberrimas inter oleas metit.

Paropotamia proxima Tigri regio non palmetis modo, uerum & oleo, pomisq; & aliis arbuſtis nobilis eſt.

Oliuis etiam abundare **Fortunatas inſulas** oſtendit Horatius dicens: Germinat & nunquam fallentis termes oliuæ.

Taburnus mons Campaniæ. Vergilius: Iuuat Iſmara Baccho Conſerere, atque olea magnum uestire Taburnum.

Ouis.

In **Velitris** Volſcorum oppido, fuit ouorum ingens abundantia. Mantuanus: Iam latij Romam caput, ouiferasq; Velitras.

Pygmæorum caſas luto, pennisq; & ouorum putaminibus conſtrui ſcribit. Plin. lib. 7.

Oonæ eodem teſte inſulæ ſunt Ponti, in quibus ouis auium & auenis uiuunt incolæ.

Ouibus.

Galeſus, Calabriae flumen, ouium multitudinem quondam fertur habuiſſe. Horatius libro 2. Carm. Dulce pellitis ouibus Galeſi flumen.

Canuſium urbs eſt Appuliæ, in qua lanæ erant ruſili coloris. Iuuenalis Satyr. 6. Paſtores, & ouem Canuſinam, ulmoſq; Falernas.

Gallia. Horatius: Nec pinguia Gallicis creſcunt uellera paſcuſis.

Calabria, & Appulia. Colu. lib. 8. Generis eximij Calabras, Appulasq; milites noſtri exiſtimabant, earumq; optimas Tarentinas. Nunc Gallicæ precioſiores habentur, earumq; præcipue Alcinates. **Altinum** autem oppidum eſt in palude poſitum, ſimilem Rauennæ ſicum habens. Martialis: Velleribus primis Appulia prima, ſecundis Nobilis Altinum, tertia laudat ouis. Plinius: Lana autem laudatiſſima Appula, & quæ in Italia Græci

peco

pecoris appellatur, alibi Italica. Tertium locum Milesiæ oues obtinent. Appulæ breues uillo, nec nisi penulis celebres. Circa Canusium, Tarentumq; summam nobilitatem habent.

Tibareni populi sunt Trapezonti imminentes, Chalybibus uicini, ouium præstantissimi cultores. Priscianus seu Rhemnius in Dionysij Geographia: Hic pecorum est diues nimirum gens Tibarenûm. Hanc prope sunt Chalybes durissima regna colentes, Quos labor exercet sæuus, ferriq; metalla.

Aegyptus adeò herbis exuberat, autore Diodoro Siculo, ut oues bis anno ibidem pariant, bisq; præbeant lanam.

Herodotus ait in **Arabia** esse oues cauda trium cubitorum, quam per humum trahunt.

Sunt & minutissime oues in **Chio** pabuli inopia quarum tamen lacte caseus conficitur laudatissimus. Ibidem agni statim à partu matrem pastoremq; agnoscunt, & circa petulca lasciuia subsiliunt.

Ornis.

Pelion mons Thessaliæ. Val. Flac. lib. 1. Argo. Quantum Pelias in uertice uicerat ornos.

Odoribus.

Arabia propter uarias herbas, fruticesq; aromaticos, tota est odorifera. Statius lib. 1. Syl. Odoriferis Arabum quod doctus in aruis. Tibullus: -Vrantur odores, Quos tener è terra diuitemittit Arabs.

Saba. Colu. lib. 11. Coeliuibus, templisq; Sabæum miscet odorem. Statius lib. 2. Syl. Odoriferos exhaustit flamma Sabæos. Plinius scribit Sabæos ditissimos syluarum fertilitate odorifera.

Persis. Syllius lib. 15. Altera Achæmenium spirabat uertice odorem. Ad hoc allusit Horatius: Persicos odi puer apparatus.

Assyria. Catullus: Fragrantem Assyrio uenit odore domum.

Panchaia, & Idaspes. Claudianus: Quicquid thuriferis spirat Panchaia syluis, Quicquid odoratus longè blâditur Idaspes.

India. Syllius lib. 17. Qualis odoratis descendit Liber ab Indis.

Armenij. Tibull. lib. 1. lætat odoratos uota per Armenios.

Oraculis.

Apud **Delphos**, oppidum Phocidis, dabantur Apollinis oracula. Plinius: Subeunt in hac reputatione Delphica oracula, uelut ad castigandam hominum uanitatem à deo missa.

Ostreis.

Ostrea seu **Ostreæ** appellantur aquatiles conche, quarum olim ulus

usuf erat in deliciis. Optimæ fuerunt in lacu Lucrino. Martialis: Ebria Baiano ueni modò concha Lucrino. Horatius: Non me Lucrina iuuerint conchylia. Sergius Orata (qui primus ostrearum piscinas habuit) optimum saporem Lucrinis adiudicauit.

Gerardasca stagnum est agri Volaterrani optimis ostreis refertum.

Baiæ. Adrianus Cardin. Baiana ostrea, murices, luposq;.

Circæi. Horat. Ostrea Circæis, Miseno oriuntur echini.

Abydus. Mantuanus: Vnus, & ostriferam Sesto qui iunxit Abydon.

Oppidis.

Alexandri magni comites in eo tractu **Indiæ**, quem subegerant, scripserunt quinque millia oppidorum fuisse, Indiamq; tertiam partem esse terrarum omnium, & multitudinem gentium innumeram probabili ratione. Indi enim propè gentium soli nunquam emigrauerunt suis finibus.

Betica olim habuit oppida 175.

Oleribus.

Syria in hortis operosissima oleribus abundauit. Vnde natum Adagium, Multa Syrorum olera.

Onagris.

Onagri syluestres atini præcipui sunt in **Phrygia** & **Lycæonia**. Sunt & in **Mauritania** cursu pernices, citoq; deliscentes, quos anhelos uenatores propterea facile capiunt.

In **India** reperiuntur agrestes, equi magnitudine, capite penè rubenti, oculis cæruleis, uno in fronte cornu.

Onocrotalis.

Onocrotalos auēs, olorum similitudinem habentes, **Gallia** Septentrionalis, Oceano proxima mittit.

Onychite.

Onychitem gemmam in **Arabia** montibus, nec usquam alibi nasci ueteres putauerunt.

Aliis rebus.

Othonem & **Oenanthem** herbas habet Syria. **Opalos** gemmas, India. **Ocrum** pigmentum, **Topazonos** insula. **Obsidiarum** lapidem, **Aethiopia**. **Oryges** feras, **Africa**. **Origanum** herbam, **Bœotia**.

Pice.

Plinius: Asia picem Indicam maximè probat. **Græcia** Pieriam, **Naryciam**. Verg. lib. 2. Georg. dicens: Et iuuat undantem

rem buxo spectare Cytorum, Naryciæq; picis lucos. Est autem **Narycia**, seu Narycium oppidum Volscorum. *Colu. lib. 11.* Sobolē dabit illa capacem Naryciæ picis, aut Actæi mellis Himetti.

Est & circa **Idam** in Troade pix plurima. *Vergil. lib. 3. Georg.* Idæasq; pices, & pingues unguine cæras.

Illyrium, seu **Illyria** Epyri regio, Italiæ propinqua pice quoq; abundat. *Ouidius*: Nigrior Illyrica cui pice sanguis erat.

Theopompus apud **Plinium** testis est, in **Apolloniatarum** agro picem fossilem non deteriorem **Macedonica** inueniri.

Piceis Arboribus.

Picea arbor frequens est in **Pado**: Vnde impositum fluuii nomen. **Pades** enim **Picea** Gallice uocantur, inquit **Plinius**.

Palmis.

Apud **Hessenos** populos urbs est **Eggada** nomine, fertilitate, & nemoribus palmetorum nobilis.

Aegyptus. **Plinius**: **Palma** (inquit) quæ fert **Myrobalanum**, probatissima est in **Aegypto**. **Quintianus**: Inuenta mensis **palma** mox **Aegyptia**.

Idume prouincia **Syriæ** palmis luxuriat. **Lucanus**: Et arbuto palmarū diues **Idume**. *Vergil. lib. 3. Georg.* **Primus** **Idumæas** referam tibi **Mantua** palmas.

Hiericus oppidum est **Idumææ**, in cuius agro **Strabo** ait palmetum esse centum stadiorum, **Plinius** **Hiericunte** palmetis confitam, & fontibus irriguam uocat. **Idem**: Sed ut copia (inquit) ibi atq; fertilitas, ita nobilitas in **Iudæa**: nec in tota, sed **Hiericunte** maximè.

In **Babylonia** per omnem regionem palmæ sunt sua sponte nascentes, piæq; fructiferae.

Arabia. **Ouidius** lib. 10. **Palmiferos** arabes, **Pauchæa**q; rura relinquam.

Pharos **Aegypti** Insula. **Ouid.** lib. 2. *Eleg.* Quæ colis & **Memphim**, palmiferamq; **Pharon**.

Selinis urbs iuxta **Lilybæum**. **Syllius**: **Audax** **Hybla** fauis, palmis quoq; onusta **Selinis**. *Verg. lib. 3. Aen.* Teq; datis linquo uentis palmosa **Selinis**.

Plinius scribit **Iudæam** esse inclytam palmis,

Est & in **Lyguria** castrum **S. Romuli** palmis nobilibus refertum.

Canaria una ex **Fortunatis** insulis abundat palmetis, cariotas.

tas, id est, palmarum fructus ferentibus. Martialis : Notæ cariotides theatris. Statius: Prægrandes cariotides cadebant.

Tylos insula maris Persici, palmas, oleas, uites, ficos, & uaria pomorum genera profert.

Thebæ Aegyptiæ palmis itidem fecundæ fuerunt. Statius: Seu quæ palmiferæ mittunt uenalia Thebæ.

Pomis.

Tybur oppidum non procul Roma, pomis abundauit, Colu. libro 11. Et turris lacus, & pomosi Tyburis arua.

Phæacum regio tanta pomorum ubertate claruit, ut præmaturis fructibus noui statim succederent. His autem præfuit Alcinous. Stat. libro 1. Syl. Quid bisera Alcinoi laudem pomaria, uosq; Qui nunquam uacui prodisti in aëra rami? Iuuenalis Saty. 5. Illa iubebit Poma dari, quorum solo pascaris odore: Quælia perpetuus Phæacum Autumnus habebat.

Anio fluuius Tyburi propinquus, etiam pomis abundat. Propertius: Ramosis Anio qua pomifer incubat aruis.

Phalici, Volscorum populi, etiam abundant pomis. Ouid, lib. 3. Eleg. Quum mihi pomiferis coniux foret orta Phaliscis.

Aspagones Indiæ populos, uitis, lauri, buxi, pomorumq; omnium in Græcia nascentium fertiles scribit Plinius.

Omnes **Fortunatæ Insulæ** copia pomorum & auium omnis generis abundant.

Plumbo.

Mictis Insula candidum generat plumbum. Plinius libro 4. cap. 16. Timæus historicus à Britannia introrsus sex dierum nauigatione abesse dicit insulam Mictim, in qua candidum plumbum proueniat.

Ex Cassiteride insula, ait Plin lib. 7. cap. 56. plumbum primum apportauit Midacritus.

Cantabria nigro abundat plumbo.

Pantheris.

Hyrkania Scythiæ pars Pantheris, Pardis, & Tygribus abundat.

Pinis.

Atlas mons. Ausonius: Nec pinifer Atlas Amphitryonidem puerum.

Ida. Statius libro 3. Syl. Pergame pinifera multo preciosior Ida.

Lycus mons Arcadiæ. Statius lib. 7. Theb. Nec sua pinigero magis adnatet umbra Lycæo.

Simois fluius Phrygiæ. Statius lib. 12. Pinigeri rapitur Si-
moëntis ad amnem.

Mænalus. Verg. Pinifer illum etiam sola sub rupe iacen-
tem Mænalus, & gelidi fleuerunt saxa Lycæi.

Ossa mons Thessaliæ. Luca. Quantus Piniferæ Boreas quum
Thracius Ossæ Rupibus incubuit.

Othrys. Valerius Flac. Parnasi lateant iuga, cesserit Othrys
Piniger.

Portis.

Aegyptiæ Thebæ centum portis nobiles fuerunt. Iuvena-
lis: Ecce uetus Thebæ centum iacet obruta portis. Plinius: Et
Diospolis magna, eadem Thebæ, portarum centum nobilis.

Piscibus.

Aulis urbs, seu portus Bœotiæ, piscibus abūdat. Ouid. lib. 12.
Bœotaq; tellus Aulide piscosa puppes tenuisset ituras.

Benacus lacus. Petrarcha: Carmine piscoso referens accepta
Benaco. Vbi primam corripuit, quæ à Vergilio producitur.

Gnydos Lyciæ ciuitas. Ouid. libro 10. Piscosamq; Gnydon,
gramdanq; Amathunta metallis.

Multa sunt in Nilo piscium genera, inter quos numerantur
Lepidothus, Coracinus, Porcus, Phagonus, Silurus, Citharus,
Alofa. Ex testaceis Dilichius, Phiscus, Bosites.

Tanta est in **Thule** insula piscium multitudo, ut ligni loco
comburantur ab incolis.

Gedrosi Indiæ populi (qui Arhim amnem incolunt) fores in
domibus inaxillis piscium, & beluarum faciunt, & osibus tecta
contignant.

Populis arboribus.

Sperchius fluius Thessaliæ. Ouid. libro 1. Meta. Populifer
Sperchius, & irrequietus Enipeus.

Padus. Oui. lib. 2. Eleg. Frigidus Eurotas, populiferq; Padus.

Populos nigras, efficacissimas habet **Creta** Insula.

Papyro.

In Lacunis Nili nascuntur iunci, ex quorum tenuissimis fis-
suris contextuntur chartæ, & uela, & uestes, & stragula. Est autem
Papyrus frutex nascens in paludibus Aegypti, aut quiescentibus
aquis Nili. Papyrus ostendit primus in **Aegypto** Alexander.
De Papyro, Lucanus: Nondum flumineas Memphis contexere
Biblos Coeperat. Ouid. lib. 15. Perq; Papyriferi septemflua flumi-
na Nili. Martialis: Perdite Niliacas Mulæ mea damna papyros.

Plinius

Plinius lib. 13. Papyrum (inquit) nascitur in palustribus Aegypti, aut quiescentibus Nili aquis, ubi euagatae stagnant, duo cubita non excedente altitudine gurgitum. Et paulo post: Nuper & in Euphrate nascens circa Babylonē Papyrum intellectum est eundem habere usum chartae.

Prunis.

Damascus urbs Syriae optimis abundat prunis, quae Damascena uocantur. Columel. lib. 11. Armeniisq; & Cæreolis, prunisq; Damasci. Plinius lib. 15. In peregrinis arboribus dicta sunt Damascena, à Syriae Damasco cognominata.

Pyris.

Plinius ait **Crustumina** Pyra cunctis esse gratissima.

Abundant & Pyris **Calabri**, quae consueverunt hospitibus apponere. Horat. Non quo more Pyris uesci Calaber iubet hospes. Hinc adagium, Calabri hospitis Xenia.

Crustuminis proxima sunt **Falerna**, à potu: quoniam tanta uis succi abundat.

Porris.

Aricia urbs Italiae porris abundat. Martialis: Mittit praecipuos nemoralis Aricia porros.

Tarentum. Idem Martialis. Fila Tarentini grauius redolentia porri.

Plinius ait laudatissimum porrum esse in **Aegypto**, mox Orchiae, atque Ariciae.

Phasianis.

Phasiani, à Phaside Colchorum fluuio dicuntur, quod ibi sint frequentes. Lactantius: Cernitur & mistam Phasidis inter auem. Martialis. lib. 13. Argiua primum sum deportata carina, Antè mihi uotum nil nisi Phasis erat.

Paludibus.

Nilus. Statius lib. 3. Syl. Vnde paludosi foecunda licentia Nilii. **Rauenna**. Silius libro 8. Lenta paludosa proscindunt signa Rauennae.

Sicambri populi Germaniae Rheno proximi, in paludibus habitant. Propertius: Ille paludosos memoret seruire Sicambros.

Portentis.

Nilus. Stroza fil. Et portentiferi nasset uada noxia Nili.

Pruinis.

Scythia, **Rhiphi**, **Caucasus**, **Strymon** fluuius Thraciae perpetuis rigent pruinis. Vergil. libro 4. Georg. Aruaq; Rhiphis

phæis nunquam uiduata pruinis. Claudianus: Caucaſcæ captiua bibunt armenta pruinæ.

Pharetris.

Creta. Vergil. libro 3. Georg. Armaq; Amyclæumq; canem, Cressamq; pharetram.

Gnosos & Gortyna urbes Cretæ. Luc. 3. Creta uetus populis, Gnososq; agitare pharetras Docta, nec Eois peior Gortyna sagittis.

Cydon urbs Cretæ. Ouid. lib. 8. Metamor. Armaq;, equosq;, habitusq; Cydonæasq; pharetras.

Lycia. Statius libro 6. Theb. Cætera pars Lyciis gaudet contenta pharetris.

Media. Marullus: Non tot spicula Medicis pharetris.

Purpura.

In **Melibœa**, urbe Theſſaliæ, clauit uſus purpuræ. Vergil. lib. 5. Aeneid. Purpura Mæandro duplici Melibœa cucurrit.

Plinius ait in **Laconia** purpuram optimam fieri conſueiſſe. Horat. Nec Laconicas mihi Trahunt honeſtæ purpuras clientes.

Bombycinam ueſtem texere Pamphila Platis filia in **Coo** inſula prima docuit. Martialis: Nec Coæ referunt iam tibi purpuræ.

Tyros. Tibullus: Illi ſelectos certent præbere colores, Africa puniceum, purpureumq; Tyros: Idem: Vellera det ſuccis bis maſeſacta Tyros.

Sidon & Ancon. Syllius lib. 8. Stat fucare colus, nec Sidone miſior Ancon.

Plinius de **Carthagine** loquens, Nunc omnis (inquit) nobilitas conchylio, atq; purpura conſtat.

Purpuras piſces habent Sigæum & Lectum Idæ promontoria.

Placentis.

Picentes panes laudantur, quem conſiciebant ex halicæ materia maſerata. Hic ob duriciam frangi non poterat, niſi lacte, mulſo ue molliſus. Martialis: Picentis Ceres niueo ſic neſtare creſcit, Vt leuis accepta ſpongia turget aqua. Pamphilus: Non halicæ panes, non quas tibi terra placentas Picentina dedit.

Pyramidibus.

Pyramides lapideæ fuerunt ſtructuræ in **Aegypto**, quas reges ſumptu maximo erigebant, aut in oſtentionem diuitiarum, aut in uſum ſepulturæ, aut ad excitandum populi torporē. Earum una

una cccx. millibus hominum, uiginti annorum spacio constructa fertur, tanta quidem rerum prodigentia, ut in raphanos, allium & cæpas (quibus operarij uescebantur.) m d c c. talenta erogata sint. Martialis: Barbara Pyramidum fileat miracula Memphis.

Procellis.

Syrtis, Charybdis, Scylla, Malæa, Caphareus, marina dicuntur pericula, procellis frequentibus agitata. Pamphilus, Perq; procellosas Syrtes, per saxa Malæa, Per mare, quod rapido uortice Scylla trahit.

Pectinibus.

Pectines pisces sunt lati, quibus abundat Tarentum. Horat. Pectinibus parulis iactat se molle Tarentum. Plin. ait laudatissimos esse pectines Mitylenis, in Aegypto uerò pectunculos.

Pecore.

Phyllos regio Arcadiæ. Sta. libro 4. Theb. Aptior armentis Mydeæ, pecorosaq; Phyllos.

Tartari populi, quæ frugibus careant, pecore tamē abundant. Et quoniam aquarū sunt pauperes, equinum sanguinem bibunt.

Sclauī regionem habitant adeo feracem, ut bis in anno grauidas habeant pecudes, quæ quater tondentur.

Volaterranus ait Pannoniam pecoribus & uitibus abundare, sed olei pauperem esse.

Orchomenos urbs Arcadiæ, Polymelos à pecoris copia noīnē meruit.

Angli pecore abundant, lanisq; mollissimis, quoque uersus exportatis. Viuaria animalium ad tria millia in tota insula cernuntur, inquit Volaterranus.

Pabulis.

Morauia sterilitatem olei, & uini, Pabulorum, frumenti, pecorisq; copia abunde pensat.

Eriethrea insula Hispaniæ tantæ est fecunditatis, ut oporteat pecudes pabuli copia, excreatione sanguinis purgari: Cuius rei causa, ea finguntur quæ de Geryonis armentis dicuntur.

Plin. ait nihil esse laudatius Germaniæ pabulis,

Pernis.

Pernæ pisces de genere concharum, frequentes sunt circa Pontias insulas.

Psymmythio.

Psymmythium, seu Cerullam parit Rhodos insula.

Pumicibus.

Pumices dicuntur lapides erosi amne, leuigandis corporibus aptissimi. Landantur in **Melo**, **Scyro**, & **Acoliis** insulis. Reperiuntur & in **Sicilia** nigri coloris.

Persicis.

Persica dicuntur à **Perside** regione his abundante. Habet **Aegyptus** Persicum arborem similem pyro.

Paliuro.

Paliuro arbori Cyrenaica regio suam postponit Loton.

Ptisana.

Ptisanae Potioni (cuius laudibus Hippocrates uolumen unum dicauit) bonitas praecipua **Vticēsi**. in **Aegypto** fit ex hordeo.

Panico.

Panico cibo praecipue utitur **Aquitania**. **Ponticae** gentes nullum panico praeferrunt cibum.

Portu.

Aulis urbs **Boeotiae** portum habuit quingentarum nauium capacem.

Strabo ait **Anthedonem** **Boeotiae** urbem portuosam esse.

Munychia urbs **Atticae** habuit stationem c c c c. nauium capacem.

De **Lycia**, Seneca in The. Tutamq; crebris portubus Lyciam uidet.

Pardis.

Pardos in **Africa**, **Syriae** esse creberrimos, ait Plinius. Capiuntur & in regione **Mauritaniae**. Sunt & in **Caria** ac **Libya** praelongi admodum, animo imbelles, saltu agiles, pelle adeo dura, ut ferro non cedat.

Pristibus.

Pristes pisces sunt in mari **Indico** c c. cubitorum.

Platanistis.

In **Gange** reperiuntur **Platanistae** pisces x v. cubitorum.

Phoenice.

Phoenicem auem annis 690. uiuentem sola fert **Arabia**. Claudianus: Hæc fortunatus nimium Titanius ales Regna colit. Solisq; plaga defensus iniqua Possidet intactas ægris animalibus oras.

Palumbibus.

In agrum **Volaterranum** Palumbes quotannis aduolant à mari.

Pſitacis.

India Pſitacum mittit, auem humanæ uocis docilem. **Claudianus** : - Et ſi qua loquendi Gnara, coloratis uiridis deſertur ab Indis. Nunc etiam aduehuntur ex **Lufitania**, inſulisque **Aethiopicis**.

Phaleridibus.

Phalerides aues habet Parthorum **Seleucia**. Aquaticarum laudatiſſima **Aſia**.

Phalocrocoraces aues Baleariû inſularum ſunt peculiareſ.

Pellibus.

Ex **Tana**, Venetorum caſtello, exportantur pelles & mancipia, quæ Sarmatæ mercantur, uocantq; **Carcaſos**.

Panibus.

In **Scolo** Bæotiz uico laudatiſſimi fiebant panes.

Pelamidibus.

Pelamidum piſcium copiam habent **Alyzones** populi. **Strabo** ait etiam reperiri in anguſtiis Byzantij.

Peloridibus.

Pelorides piſces dicuntur à **Peloro** promontorio, ubi ſcatent.

Peponibus.

In **Campania**, Pepones optimi ſponte proueniunt.

Petroſelino.

Optimum Petroſelinum ueniebat quondam ex **Macedonia**.

Pœphagis.

Habet **India** pœphagum animal duplo magnitudinem equi excedens.

Perdicibus.

Theophrastus dixit perdices eſſe in **Paphlagonia** duplici corde.

Palæſtra.

Fuerunt **Spartani** clariſſimi pugiles, & palæſtritz. **Propert.** Multa tuæ Spartæ miramur iura palæſtræ.

Aliis rebus.

Parthenium pigmentum habet **Aegyptus**.

Purpurillum colorem **India**.

Panacem herbam **Clitorus** mons.

Panacem unguentum **Arabia**.

Philoginon gemmam, **Porphyritem** lapidem, **Perſeam** arborem **Aegyptus**.

Phatagam animal, **Porphyrum** ſerpentem **India**.

Parnopum auem, Galatia.

Pardialim & Perseum pisces Mare rubrum.

Populo, & diuersis rebus abundat Parrhisiorum Lutetia.

Quercubus.

Chaonia pars Epyri, glandibus abundat, & quercubus. Ouid. lib. 10. Umbra loco uenturion Chaonis abfuit arbor.

Dodona sylua Edyri. Val. Flac. lib. 1. Arg. Dodonida quercum Ingredior. Syllius lib. 3. Implet fatidico Dodonida munere quercum.

Ossa mons Thessaliae. Val. Fl. Fleuit ubi Ossa capta ret muna quercus.

Racemis.

Cæcubum oppidum in sinu Caietano, terras habet optimi uini feraces. Horatius: Cæcubum, & prælo domitam Caleno Tu bibes uuam.

Tmolus mons Lydiae. Ouid. lib. 4. de Ponto: Africa quot segetes, quot Timolia terra racemos, Quot Sicyon baccas.

Methymna. Ouid. Gargara quot segetes, quot habet Methymna racemos.

Rhombis.

Adria, seu mare Adriaticum. Inuena. Satyra. 4. Incidit Adriaci spaciū admirabile Rhombi.

Rhombitem Ptolemæus ait esse fluuium post Mæotidem à Rhomborum frequentia nominatum.

Plinius ait Rhombum **Rauennæ** esse laudatissimum.

Rosis.

Pæstum oppidum in Lucania bis in anno fructus quosdam, & in his rosas parit. Virg. lib. 4. Georg. Biferiq; rosaria Pæsti. Idem de rosa: Vidi Pæstano gaudere rosaria cultu.

Pangæum quoque montem rosis feracem esse docet Plinius lib. 21. cap. 4.

Abundat & **Campania** optimis rosis, quibus præcipua dignatio. His Plinius addit **Prænestinam** & **Milesiā**. est etiam **Cyrenis** odoratissima rosa.

Resina.

Resina humor est fluens ab arboribus, etiam in eisdem residens. Plautus Aegyptiam probat in Mercatore dicens: Resinam ex melle Aegyptiam uorato, saluum feceris.

Raphanis.

Raphanus herba est seu radix comestibilis, tam frequēs & nobilis

bilis apud **Delphos**, ut ex auro dicaretur, Beta ex argento, Rappum ex plumbo. Aequat in **Germania** infantum puerorum magnitudinem. In **Aegypto** Raphani sparguntur nitro, ubi sunt suauitate præcipui.

Laciadæ quoq; populi Atticæ raphanorum habent copiam. Apud eos moris erat, ut qui fuisset in adulterio deprehensus, ignominiosas pœnas daret, impactis in pudendam corporis partem raphanis, qui ibidem crescunt mira magnitudine.

Rapis.

Plinius lib. 18. dat palmam rapis, in **Nursino** agro nascentibus.

Reseda.

Resedam herbam collectiones, inflammationesq; decutientem habet **Ariminum** magno prouentu.

Riuus.

Methone urbs riuus abundat. Seneca in Troade: An frequens riuus leuibus Methone?

Serpentibus.

Ophiusa insula dicta est à multitudine serpentum. Ophis enim Græcè serpentem significat. Vnde Ophiogenæ populi in Helleponto, qui serpentum ictus tactu leuant, & imposita manu, corporis uenena extrahunt.

Mauritania. Horatius: Nec Mauris animo mitior anguib.

Libya. Syllius: Terga damus, Libycisq; parem non esse fate-mur Anguib.

Africa. Horatius lib. 1. Ser. Canidia afflasset peior serpentibus Afri.

Sinuessa urbs Campaniæ. Ouid. lib. 15. Vulturnus, niucisq; frequens Sinuessa colubris.

Cinyphs fluuius est Libyæ inter duas syttes, capris & serpentibus abundans. Pamphilus: Affer Cinyphij caput colubri.

Candei populi orientales serpentibus uescuntur. Vnde & Ophiophagi uocantur. Neq; est alia regio earum fertilior. Plinius.

In **India** serpentes, in tantam adolescunt magnitudinem, ut solidos hauriant ceruos, taurosq;.

Tanti sunt & apud **Rhindacum** amnem in Ponto, ut superuolantes, quamuis altè, perniterq;, alites haustu raptas absorbeant.

Constat apud **Bragadam** fluuium serpentem centum & uiginti pedum longitudinis à regulo intersectum. Quod est argumentum maximos ibidem nasci.

Sulphure.

Nascitur (inquit Plinius) sulphur in insulis **Aeolis**, inter Siciliam & Italiam. Sed nobilissimum in **Melo** insula. In Italia quoq; inuenitur in **Neapolitano Campano** agro, & collibus, qui uocantur **Leucogabi**. Volaterranus ait nunc fossile sulphur esse in agro **Volaterrano**. **Nar** quoq; fluuius aquas habet Sulphureas. **Aufonius**: Fluminibusq; **Ital**is præponens sulphureus **Nar**.

Segetibus.

Apud **Cinyphem** **Libyæ** fluuium magna est frugum copia. Vnde **Ouid**. Cinyphiæ segetis citius numerabis aristas.

Multis testimoniis constat **Libyam** & **Africam** segetibus abundare. **Mantuanus** in **Syluis**, Vbi **Libyæ** segetes, ubi **Gnosia Vina**. **Ouid**. lib. 4. de **Ponto**: **Africa** quot segetes, quot **Tinolia** terra racemos. Ab hac rerum copia, **Cerem** **Argi** **Libyssam** uocant, autore **Festo**.

Gargarus mons **Phrygiæ**. **Ouid**. **Gargara** quot segetes, quot habet **Methymna** racemos.

Scaripiscibus.

Scaros pisces habet **Carpathium** mare. **Horatius**: Non me **Lucrina** iuuerint conchyliis, **Magis** uel **Rhombus**, aut **Scari**: Si quos **Eois** intonata fluctibus, **Hyems** ad hoc uertat mare. **Eois** fluctibus dixit, id est, **Orientalibus**, propter mare **Carpathium**. Hunc piscem **Optatus** **Helipertius** præfectus classis sub **Claudio** principe, è **Carpathio** aduexit. Numeratur autem inter cibos electiles. **Varro** apud **Gellium** testis est **Scaros** **Cilices** omnium esse præstantissimos.

Sagittis.

Sequentia loca incolae habuerunt peritissimos sagittarum. **Creta**. **Virgilius** in **Cyri**, **Attica** **Cretæ** sternebat rura sagitta.

Lycia. **Virgilius** lib. 8. Ille mihi insignè pharetram, **Lycias**q; sagittas **Discedens**, pharetramq; auro dedit intertextam.

Cydon urbs **Cretæ**. **Stattius** lib. 7. **Theba**. **Cydonæas** anteibant geta sagittas.

Gortyna. **Luca**. libro 6. **Dictæa** procul ecce manu **Gortynis** arundo. Item: Nec **Eois** peior **Gortyna** sagittis.

Dictæ. **Syllius** lib. 13. **Dictæa** per auras **Tranat**, & in medium perlabor urbis arundo.

Parthia. **Mantuanus** in **Alphonso**: Nec **Parthica** tanto Agmine per cœli nubem se fundit arundo. Hac ratione **Catullus**

Parthos uocat sagittiferos.

Erythra, seu Erythræ. Sidon. Fortè sagittiferas Euam populus Erythras. De Orientalibus populis Val. Flaccus lib. 5. Quos neq; Iber, neq; tuta suis aurora sagittis Sustinet. Per auroram intelligit orientales.

Sarissis.

Sarissæ dicuntur hastæ **Macedonum**. Ouid. lib. 12. Qui clypeo gladioq; Macedoniarq; Sarissa. Lucan. lib. 8. Primi Pellæas arcu fregere Sarissas.

Smaragdis.

Smaragdo gemma uiridi, & oculorum aciem recreante abundant **Erythra**, & **Scythia**. Claudia. Inter Erythræos surgentia colla smaragdos.

Reperitur etiam in **India**, & Cypri ærifodinis. Plinius ait Aegyptiorum, Scythicorumq; smaragdorum tantam esse duritiem, ut nequeant uulnerari. Ait & Scythicos omnium esse nobilissimos.

Sistris.

Sistrum tinnulum est instrumentum ab **Aegyptiis** repertum, quo utebantur in sacris Isidis, unde Sistrati Aegyptij dicuntur. Mart. Linigeri fugiunt calui, sistrataq; turba. Ouid. lib. 3. Eleg. Quid nunc sacra iuuant, quid nunc Aegyptia prosunt Sistra?

Saccaro.

Saccarum dicitur mel in arundinibus collectum instar gummi candidum, & dentibus fragile. Saccarum autem fert **Arabia**, sed laudatius **India**.

Stanno.

Cassiterides decem sunt insulæ in Hispania, ex quibus effoditur Stannum, quod Cassiterum appellatur. Diodorus ait uenam stanni esse in Britannia, iuxta Helenum promontorium, quod nunc **Cornubiam** uocant.

Saxis.

Mantuanus **Apeninum** saxosum, Pamphilus **Ceraunia** scopulosa, Calentius **Pelson** lapidosum uocant, quod eo loca saxis abundant.

De **Eryce** monte Siciliæ. Seneca in Medæa: Quæcunq; generat inuius laxis Eryx,

Stamine.

Pergamus Attali regia, **Memphis**, & **Babylon** urbes ingentioræ fuerunt in textedis staminibus. Pobjanus in Rust. Textile nec tenero subtegmine fulgurat aurum, Spirantes referens uul-

rus, quæ Pergamos olim Artifici descripsit acu, quæ stamina Memphis, Quæ Tyros & Babylon radio pinxere sonanti.

Sale, & Salinis.

Hammanientes Cyrenaicæ regionis populi domos sale montibus suis exciso, ceu lapide construunt.

Sunt etiam in **Saxonia** Salinæ uberrimæ, & argentifodinæ ab Orlhene primò inuentæ.

Alos urbs Achaicæ, à sale ibidem reperto meruit nomen.

In **Ormeno** monte Indiæ quum sal eruitur, & instar lapidum cæditur, fertur postea renasci mira ubertate.

Apud **Cyprum** sal hammoniacum dicitur, quod in arena reperitur.

Bisuntium, urbs est Burgundiæ, in cuius agro duo sunt fontes, alter aque dulcis, alter unde sal igne densatum conficiunt, candore præstans, & maximum eius gentis uectigal.

Tarentini sale abundant candidissimo, atque fossili, quem Plinius ait esse omnium suauissimum.

Apud **Bactros** amnis Ochus, & Iaxartes ex appositis montibus deferunt salis ramenta.

Sunt & in **Africa** lacus turbidi salem ferentes.

In **Carris** Arabiæ oppido muros domosq; massis salis faciunt, aqua ferruminantes.

Salicibus.

Ameria urbs Umbriæ fuit quondam salicibus ferax. Verg. Atq; Amerina parat lentæ retinacula uiti.

Setabo.

Setabum genus est lini, sudariis aptissimi, & tenuitate præcipui, quo abundat Hispaniæ urbs **Setabis** nomine. Catullus: Nam sudaria Setaba ex Iberis miserunt mihi muneri Fabullus & Verannius.

Sparto.

Spartum herba est in **Hispania** frequens, qua optimum etiam conficitur linum. Strabo ait in Hispania campum esse **Spartarium**, à Sparti multitudine nuncupatum.

Scombris.

Scombraria insula est, uel promontorium contra Africam, scombris piscibus abundans. Vnde nomen tractum.

Saliunca.

Saliuncam herbam breuem & foliosam multæ suauitatis gignit **Pannonia**, & **Norica**.

Suibus.

Sues in **Arcadia** adeò saginantur, ut Plinius scribat **Soricem** in corpore cuiusdam præpinguis nidificasse.

Struthiocamelis.

Struthiocameli aues sunt in **Africa**, & **Aethiopia**, tantæ magnitudinis, ut altitudinem hominis insidentis equo superent, & celeritate uincant.

Salmonibus.

Salmo fluuiatilis in **Aquitania**, præfertur marino.

Sampfuco.

Sampfucus herba est **Mitylenis** plurima, qua optimum conficitur oleum, quod **Sampfucinum** dicitur.

Speculis.

Optima specula olim fiebant **Brundisij**, stanno & ære mixtis. Autor Plinius.

Signis.

Rhodi LX XIII. millia signorum fuisse, **Mutianus** apud **Plinium** testis est.

Sinopide pigmento.

Sinopsis primum inuenta est in **Ponto**, Inde nomen à **Sinope** urbe. Nascitur in **Aegypto**, **Balcaribus**, **Africa**, sed optima in **Lemno** & **Cappadocia**.

Siliquâ.

Siliqua arbor nascitur frequens in **Syria**, **Ionisâq;**, & circa **Gnydon**, atq; in **Rhodo** semper comantibus foliis.

Syluis.

Mare rubrum, & totus **Orientis Oceanus** refertus est syluis.

Tylos quoq; insula maris **Perfici**, quâ spectat **Orientem**.

Subere.

Suber præcipuè nascitur circa **Elidem**, aut **Spartam**. **Plinij** temporibus nascebatur in **Italia**.

Scirpis.

Mauri mapalia sua regunt **scirpis**, tanta eorum multitudine affluunt. His & nautæ in **Pado** uelificant.

Stipulis.

In **Leborino** **Campaniæ** agro tanta est stipularum crassitudo, ut eis ligni uice utantur.

Serpillo.

Plin. lib. 19. ait, montes **Thraciæ** scatere **serpillo**.

Spong

Spongiis.

Spongiæ molliſſimæ ſunt circa **Lyciam**, In Hellesponto aſperæ, Denſæ circa **Malæam**.

Aliis rebus.

Sarcocollam parvæ arboris lacrymam habet Perſis.

Sandaracam pigmentum, **Topazos** ſive Topazonos rubri maris inſula. **Selenitem** gemmam Arabia. **Sefamum** frugem India. **Syroperdicem** auem perdice minorem, Antiochia. **Synthicen** herbam Bœotia. **Stœchadem** herbam odoratam Stœchades inſulæ.

Syderitem gemmam Arabia. **Silurum** piſcem Nilus. **Scorepiones**, Africa.

Terebinthis.

O**Ricos**, ſeu Orithos ciuitas eſt iuxta Epirum, abundans Terebintho arbore, quæ propterea uocatur Orithia. Verg. lib. 10. Incluſum buxo, aut Orithia Terebintho Lucet ebur.

Syria quoque habet Terebinthum, maximè in Damasco.

Talpis.

Talpis ſcatet tota **Bœotia**, præterquam **Coronea** urbs, ubi nec gignuntur, nec allati uiuunt.

Plinius ait talpas in **Orchomeno** cuncta ſubruere.

Thure.

Sabæa regio Arabiæ, & tota ferme **Arabia** abundans thure. Plinius: Sabæi Arabum propter thura clariffimi. Val. Flac. lib. 6. Argon. Hæc quoque thuriferos felicia regna Sabæos, Vergilius lib. 1. Aeneid. Centumq; Sabæo Thure calant aræ. Idem: India mittit ebur, molles ſua thura Sabæi.

Minæi Arabiæ populi, primi commercium thuris fecere, maximeq; exercent.

Abundat etiam thure **Panchaſa** regio Arabiæ. Lucr. lib. 2. Araq; Panchæos exhalat propter odores.

Thure quoque nobilis eſt **Libanus**, mons Phœnicix. Auſonius: Florum ſpirat odor, Libani ceu montis honor thus.

Topazio.

Topazio lapide precioſo abundat **Topazios** inſula maris rubri, à qua & nomen ſumpſit. Reperitur & in Arabiæ inſula, quæ **Chytis** uocatur.

Teſtudinibus.

Scribit Plinius in **Taprobane** inſula tantam pleriq; in locis teſtudinum reperiri multitudinem, ut earum ſuperficie con-

regan

tegantur habitantium familiarum.

In **Carmania** angulo sunt Chelonophagi (inquit Plinius) testudinum superficie casae tegentes, & carne uescentes. Sunt & in **Africa** plurimae.

Testudines tantae magnitudinis habet **Indicum** mare, ut singularum superficie habitabiles casae integantur, atque inter insulas rubri praecipue maris, his nauigent cymbis.

Troglodytae cornigeras habent, ut in **Lyra** annexis cornibus latis, sed mobilibus, quorum in natando, remigio se adiuvant.

Tædis.

Tæda arbor, nuptiis quondam sacra frequens est in **Calabria**.

Thapsia.

Thapsia ferula sylvestris, nomen sumpsit à **Thapso** insula, in qua abundat.

Tigribus.

Reperiuntur tigres in **India** apud **Prasios** populos, magnitudine duplici, quam sit **Leo**. Iuena. Indica **Tigris** agit rabida cum **Tigride** pacem.

Sunt & frequentes in **Hyrkania**, & **Armenia**, quae propterea **Hyrkanæ** & **Armeniae** dicuntur à poetis. Vergilius : **Daphnis** & **Armenias** curru subiungere **Tigres** Instituit.

Dicuntur & **Gangeticae** à **Gange**. Ouidius lib. 6. **Mera**. Nec mora traxit **Ityn**, ueluti **Gangetica** ceruæ **Lactentem** foetum per sylvas **Tigris** opacas.

Eadem ratione dicuntur **Caucasæ**, à **Caucaso** monte **Scythiae**. Syllius : **Caucasæam** iultrans uirgato corpore **Tigrim**.

Et **Caspiae**, à **Caspia** **Scythiae** regione. Claud. Si tu sancta **Ceres**, & te non **Caspia** tigris Edidit.

Parthicae à **Parthia**. Idem : Quem **Parthica** tigris uelat.

Prope **Niphatem** **Scythiae** fluuium sunt etiam tigres. Sido. Aut ut **Tigrileri** pharetrata per arua **Niphatis**.

Tarandis.

Tarandum animal tauri magnitudine, & pelle uersicolore (qua scuta sunt) fert **Scythia**.

Torsionibus.

Torsio piscis est similis **Delphino**, praeterquam rostro. Hunc gignit mare **Ponticum**.

Thrissis piscibus.

Thrissas in **Tyberi** fluuiio laudatissimas reperiri scribit **Plinius**. Has in **Aegypto** circa **Meroæ** stagnum, coloni flebilibus

libus numeris escae uice deceptas expiscantur.

Thynnus.

Strabo ait Thynnos pitces mirae magnitudinis in Hispania reperiri, eosq; glande uelci prodit.

Thricia.

Thriciae pisces sunt frequentes in Istro, ex quo quum in mare uenerunt nunquam postea remeant.

Thymallo.

Thymallum piscem magnitudine cubitali gignit Ticinus Italiae fluius.

Tuberibus.

Tubera poma, seu cibi in magnis olim deliciis fuerunt. Asiae nobilissima exitere circa Lampfacum, & Alopecnesum. Graeciae uero circa Elidem. Praestant Africana. De his Martia. Rumpimus altricem tenero de uertice terram Tubera: Boletis poma secunda sumus.

Tela.

Ausonius telam commendat Persicam, ubi ait: Laudet Achaemenias Orietis gloria telas, Molle aurum palliis Graecia texe tuis,

Commendatur Aegyptia ob praecipuam lini bonitatem, uel quod multis licis (quae polymita dicuntur) texere docuerint. Lucanus lib. 10. Ut mos est Phariis miscendi licia telis.

Setabis urbs Hispaniae tela clauit. Syllius lib. 3. Atq; altrix cella mi. tebat Setabis arce, Setabis & telas Arabum spreuisse superbas Et Pelusiaco filum componere Nilo.

Tauris.

Clitumnus fluuius est Vmbriae, cuius aqua pota candidos boues (qui ibidem sunt frequentes) reddit. Statius lib. 1. Syl. Aut praestent niueos Clitumna noualia tauros.

Meuania oppidum est Vmbriae, Clitumno fluuio propinquum, ferax aurorum & armentorum. Lucan. lib. 1. Est qui tauriferis ubi se Meuania campis Explicat.

Taxus.

Taxus arbor est fetalis, baccas proferens uenenatas, a qua toxicum uelut taxicum appellatur. Frequens est in Hispania & Corsica. Vnde Vergilius: Sic tua Cyrneas fugiant examina taxos. Plinius ait, Arcadiae taxos tam praesentis esse ueneni, ut si quis sub iis dormiat, cibum uel capiat, statim moriatur.

Taperibus.

Alexandria & Assyria taperibus clauuerunt, qui inde Assyrij

Assyrij & Alexandrini uocantur. Statius lib. 2. **Thebaid.** Fuderat Assyriis extincta tapetibus alto Membra thoro.

Thermis.

Baiæ ciuitas est campaniæ, in cuius agro calidæ sunt aquæ ad uoluptatem, & uarios morbos aptissimæ. Vnde & thermæ Baiarum celebratæ sunt.

Tragoni & Trogete.

Tragonis, seu **Rhagion**, herba nascitur in **Creta** tantum insula in maritimis, Iunipero similis, & semine, & folio, & ramis.

Trogetes arbor nascitur in inferiore. **Cyrenaicæ** parie.

Thymo.

Thymus, seu **Thymum**, herba est apibus gratissima, qua abundant **Hybla** & **Hymettus**. Vergil. in Buc. Nerine Galatæa, thymo mihi dulciot Hyble. Mart. lib. 5. Hyblæis madidas thymis placentas.

Tritico.

Plinius ait **Bizantium** Africae campum centenos quinquagenos tritici modios reddere, aitq; missa Augusto ex uno grano quadringenta paucis nunc germina, & c c c x l. stipulas **Neroni** ex uno grano.

Cum centesimo quidem & **Leontini** Siciliae campi fundunt. Sunt imprimis feraces tritici tota **Betica** & **Aegyptus**.

Tribulis.

Thracia tantam habet tribulorum copiam, ut eorum foliis equos saginent, qui ad **Strymona** habitant.

Tragelaphis.

Tragelaphi animalia iuxta **Phasim** Colchorum amnem, nec alibi nascuntur.

Túrdis.

Idem ait **Turdos** frequētes in **Germania** cerni, maximè hyemis tempore.

Vasis.

Habet **Samos** insula figulinum lutum, conficiendis uasibus (quæ in esculentis laudantur) aptissimum. unde **Tibullus** libro 2. At tibi læta trahant Samiæ conuiuia testæ.

Cumæ quoq; ciuitas Campaniæ uasis olim terreis gloriabatur. Idem **Tibullus**: Fictaq; Cumana lubrica terra rota.

Corinthus urbs Græciæ, prima toreumatum, uasorumq; luxuriam commenta est, quæ Corinthia propterea dicuntur, & eorum amatores Corinthiarij. **Suetonius** in Augusto: Pater argentarius

tarius, ego Corintharius. Statius : Aeraq; ab Isthmiacis auro potiora metallis.

Venenis, & herbis uenenatis.

Abundat uenenis, & herbis ueneficis **Theſſalia**. Tibullus lib. 2. Quicquid & herbarum Theſſala terra dedit. Propertius li. 1. Et bibere è tota toxica Theſſalia. Luca. lib. 6. Theſſala quinetiam tellus herbasq; nocentes Rupibus ingenuit. Ouid. libr. 3. Nam mea Theſſalico languent deuota ueneno Corpora.

Pontus quoq; ueneficis abundat herbis. Vergi. in Buc. Has herbas, atq; hæc Ponto mihi lecta uenena, Ipſe dedit Mæris, naſcuntur plurima Ponto.

Colchos, & Iberia ſunt etiam feraces ueneni. Horatius: Herbasq;, quas Colchos & Iberia Mittit uenenorum ferax.

Scythia, Statius lib. 4. Thebaid. Et Scythicis quoties armata uenenis Colchis aget.

Athrax urbs eſt Theſſaliæ, itidem ueneni ferax. Valerius Flaccus lib. 6. Argon. Quamuis Athracio Lnnam ſpumare ueneno Sciret.

Citea urbs fuit Colchorum, ueneficiis famoſa. Propertius libro 1. Tunc ego crediderim uobis & ſydera, & amnes Poſſe Citæinis ducere carminibus. Vnde & maga Citæis ab eodem uocatur libro 2. ubi ait : Non hic herba ualet, non hic nocturna Citæis, Non per Medææ gramina cocta manus.

Phaſis fluiuius Colchorum. Ouid. Quid te Phaſiacæ iuuerunt gramina terræ?

Vellere.

Seres populi ſunt orientales, apud quos arbores ſunt, non ſola ſolum, ſed lanam quoque tenuiſſimam proferentes, ex quarum frondibus, caniciei depeſcunt aqua perſuſam, & ex uellere ueſtimenta conſciunt, quæ uocantur Serica. Vergil. lib. 2. Geor. Velleraq;, ut foliis depeſcunt tenuia Seres. Propertius lib. 1. Quid releuant uariis Serica textilibus?

Miletus urbs Ioniz, Lanarum & uellerum præſtantia, magnam quoque meruit laudem. Martial. Nec Miletus erat uellere digna tuo. Horatius lib. 1. Epiſt. Alter Mileti textam cane peius & angue Vitabit chlamydem. Vergil. lib. 3. Georg. - Quamuis Miletia magno Vellera mutantur, Tyrios imitata colores.

Vestibus.

In **Pellene** Achaiz ciuitate diuerſæ ueſtimentorum formæ ſerî conueuerunt. Veſtes Pellentiæ adeò nobiles fuerunt, ut
in lu

In Iunonis ludis ac certaminibus, uictori Lacerna Pellenica præmij uice daretur.

Vlmis.

Pteleon urbs Thessaliæ, nomen habuit ab ulmorum frequentia.

Vitulis.

Sunt qui uelint **Italiam** à taurorū, boum, uitulorumq; multitudine & præstantia nominatam. Græci enim (inquit Gellius) Italos uocant uitulos.

Vrbibus.

In **Creta** insula centum fuerūt urbes. Ouid. lib. 6. Fama noui centum Cretæas forsitā urbes Impleſſet monſtri. Idem in Epistol. Non ego te Crete centum digesta per urbes Aspiciam.

Aegyptij regnante Amasi uiginti millia urbiū habitauerūt.

In **Bactrianis** mille urbes fuerunt, In **Italia** septingentæ.

Tarraconensis Hispania continet oppida CCXCIII.

Polybius scribit trecentas **Celtiberorum** urbes à Tiberio Graccho expugnatas.

Viuariis.

Viuaria animalium (inquit Volaterranus) ad tria millia in tota **Britanniæ** insula cernuntur.

Vrtica pisce.

Vrtica piscis adhærens scopulis frequens est in **Chalcide Euboicæ**.

Vnguentis.

Vnguentum **Rosaceum** optimum est apud Phaselidē, Neapolim, & Capuam: **Crocinum** in Cilicia, & Rhodo: **Nardis num**, apud Tarſum **Oenanthinum** & **Omphacinum** apud Cyprum: **Adramictinum**, **Amaranthinum**, **Coum**, **Melinum**, **Metopium**, **Mendesium**, in Aegypto: **Iridis** optimum apud Elidem. Fuit & Agathusa insula unguento nobilis, una earum, quæ Sporades dicuntur. Item Syria. Propertius libro 2. Quū dabitur Syrio munere plenus onyx.

Antiquitus laudatissimum fuit unguentum in Delo insula. Terrarum omnium accommodatissima unguentis est Aegyptus. Ab ea Campana est proxima copia rosæ. Bathylli populi, Cyprij, Cyziæni, Corinthij, unguentis madent.

Vrsis.

In **Myſſia** urſi ſunt albi tanto infecti ueneno, ut canes uenantes ſolo aſſatu perimant.

Apud Rhoxolanos & Lituanos maximi capiuntur ursi, qui mansueti regibus sunt in deliciis.

Vris.

Vri animalia sunt magnitudine tauri, quæ in Germaniæ sylvis reperiuntur.

Vlulis.

Vlulæ in Borsippa, Assyriæ ciuitate, miræ magnitudinis, ac cibo expetitz inueniuntur.

Ventis.

Gonoëssa, Actoliæ ciuitas, perpetuis uentis agitur. Seneca in Troade, An carens nunquàm Gonoëssa uento.

Vnionibus.

Vniones gemmæ reperiuntur in Gange. Mantuanus: Vnioq; ingenti candens Gangeticus orbe.

Vitro.

Plinius ait Sidonem uitri officinis quondam fuisse nobilem. Idem lib. 5. Sidonem uocat uitri artificem.

Vitra fiunt in India è crystallo. Et ob id nullum comparatur Indico.

Vnedonibus.

Iuba apud Plinium testis est Vnedones arbores esse in Arabia, quinquagenùm cubitorum altitudine.

Vicis.

Habuit insula Taprobane uicos 700. quos pagos dicimus.

Vulturibus.

Vultures non aliorum dicuntur Caucasei, quàm quòd in Caucaaso abundant. Vergilius in Buc. Caucateasq; refert uolucres, furtunq; Promethei. Hinc orta poëtarum fabula de Prometheo, quem ibidem rodi à uulture fabulantur.

Vlua.

Padusa fluius Rauennæ uicinus plurimum habet uluz. Mantuanus: Et uluiparæ tellus uicina Padusæ.

Vino, & uitibus.

Tmolus mons Lydiæ, Falernus, & Masicus Campaniæ, Auson Calabriæ, optimo abundantiuino. Tmolus: Syllius libro 7. Atque ex illo tempore diues Tmolus. Ouidius libro 6. Metamorpho. Deseruere sui nymphæ uineta Tmoli. Falernus. Varro: Quod far comparandum Campano? Quod triticum Appulo? Quod uinum Falerno? Tibullus: Nunc mihi fumosos ueteris proferte Falernos. Masicus: Horatius, Est qui

qui nec ueteris pocula Mafici. Vergilius lib. 7. Vertunt felicia Baccho Mafica: **Aulon**: Horatius, Et amicus Aulon Fertilis Baccho minimum: Falernis Inuidet uis. Martialis: Nobilis & lanis, & Baccho fertilis Aulon, Det pretiosa tibi uellera, uina, mihi.

Gaurus quoq; mons Campaniæ, uinum habuit laudabile, ut Falernus.

Commendatur & uinum **Lesbium**. Propertius lib. 1. Lesbia Mentoreo uina bibas opere. Horatius: Hic innocentis pocula Lesbij Duces sub umbra. Aristoteles (ut scribit Gellius libro. 12.) ægrotans gustato uino Rhodio, inquit, Firmum hercle uinum, & iucundum. Degustato inde Lesbio, Vtrumq;, inquit, oppido bonum, sed suauitis Lesbium.

Methymna ciuitas fuit in Lesbo, uini bonitate nobilis. Verg. lib. 2. Georg. Quam Methymnæo carpit de palmite Lesbos. Sylius lib. 7. Ac Methymna ferax, Latius cessere Falernis.

Cæcubum oppidum Campaniæ commendat etiam uini bonitas. Martialis: Cæcuba Fundanis generosa coquuntur amicis. Hora. Cæcubum, & prælo domitam Caleno Tu bibes uuam.

Fuit & in **Caleno** urbe Campaniæ uinum generosum. Iuuenalis: - Quæ molle Calenum Porrectura uiro miscet sitiente Rubetam.

Formiæ urbs iuxta Caietam, antiqua Læstrygonum sedes, fuit nobilis uino. Hora. Mea nec Falernæ Temperent uites, neque Formiani Pocula colles.

Setina urbs Campaniæ superbit etiam uini bonitate. Martialis lib. 4. Tu Setina quidem semper, uel Mafica ponis.

De **Surrento** Campaniæ oppido, Martialis: Surrentina bibis, nec Myrrhina picta, nec aurum Sume, dabunt calices hæc tibi uina suos.

Habuit & prædulces uuas **Alba** urbs Italiæ. Martialis: Hoc de Cæsareis mitis uindemia cellis Mittit, Iulæo quæ sibi monte placet.

Fundanum etiam commendatur à Fundis oppido Campaniæ. Martialis. Hæc Fundana tulit felix Autumnus opimi.

Messana urbs Siciliæ, à Mamertinis Campaniæ populis habitata optimum ferebat uinum. Martialis: Amphora Nestorea tibi Mamertina senecta Si detur, quod uis nomen habere potest. Plinius: Quartum curriculum obtinere publicis epulis à diuo Augusto Mamertina, circa Messanam in Sicilia genita.

Chios insula maris Aegei, & **Aruissum** in ea promontorium laudantur uini præstantia. Syllius libro 7. Et Ambrosius **Aruissia** pocula succis.

Veientum Ethruriae oppidum. Horat. Qui Veientanum festis potare diebus. Martial. lib. 2. Veientana tuam si domat uua sitim.

Aminæi populi fuerunt, ubi nunc est Falernus, quorum regio **Aminæa** dicebatur uini feracissima. Verg. lib. 2. Georg. Sunt & **Aminææ** uites firmissima uina.

Thasus insula maris Aegei uinum habuit laudabile. Vergil. lib. 2. Georgic. Sunt **Thasiæ** uites, sunt & **Mareotides** albæ.

Mareotis pars Aegypti itidem. Horat. Mentemq; lymphatam **Mareotico** Redegit in ueros timores. Statius lib. 3. Syl. Sparfit **Tyrrhenæ** **Mareotica** uina **Mineræ**. Hoc uinum durat in longam uetustatem.

Naxos insula maris Aegæi, à fertilitate uini **Dionysia** dicta est. Vnde Pontanus uitigenam eam appellat, dicens: Hanc post uitigenæ spaciantem littora **Naxi**. **Bacchicam** Statius lib. 4. **Achil. Lemnos**, & à tergo decrescit **Bacchica** **Naxos**.

Maronæa urbs Ciconum laudata est uino, quo **Vlysses** inebriauit **Polyphemum**. Tibullus: **Victa** **Maronæo** fœdatus lumina **Baccho**.

Methone quoque urbs in **Thracia**, nomen habuit à uini copia. Nam **Methin** Græci ebrietatem uocant.

Tarraco in **Hispania**, etiam uino claruit. Syllius libro 3. **Dat** **Tarraco** pubem **Vitifera**, & **Latio** tantum cessura **Lyæo**.

Vina apud Græcos celebrata fuere **Prannium** **Cereri** sacrum, **Chium**, **Thasium**, **Lesbium**, **Creticum**, & apud **Syracusanos** **Podium**, **Coum**, denique & **Rhodium**.

Celebrantur & alia pleraq; loca uini bonitate, quæ omnia longum esset recensere. Propterea summatim subiiciamus, quod in compendium redeimus ex **Plinio** lib. 14. cap. 10. **Augustus** (inquit) **Setinum** prætulit cunctis. Antea **Cæcubo** erat generositas in palustribus populetis. Secunda nobilitas agro **Falerno**. Nascitur **Gauranum** in summis collibus, mediis **Faustinum**, imis **Falernum**. **Albanæ** uux sunt prædulces. **Surrentina** in uineis tantum nascuntur, conualescenibus maximè probata propter tenuitatem, salubritatemq;. Nam quæ spissâ sunt, non adeo profunt morbis. **Surrentino** medici nobilitatem dabant. Certant **Malsica** quæ ex monte **Gaurano**. Præponuntur **Calena**, & quæ in uineis arbutisq; nascuntur, **Fundana**. **Augustus** probauit **Mamertina**,

circa

circa Messanam Siciliæ genita. Potulana ab autore dicta etiã laudantur, Retica Falernis tantum posthabentur à Vergilio. Hetruriæ palmã Luna habet, Liguriæ Genua, inter Pyrenæum Alpesq; Massilia. Hispaniarũ Laetana, copia nobilitantur. Elegantia uerò Tarraconensis, atq; Lauronesia, & Balearica ex insulis, Italiæ primis conferuntur. In summa gloria fuere Thasium, Chiumq;. Ex Chio, quod Aruissium uocant. Item Lesbium, quod sponte naturæ suæ mare sapit. Gratia est & Clazomenio.

Quid autem de **Gallicis** dicendum? De quibus ueteres nihil ferè scriptum reliquerunt, ne alienæ gentis gloria suam ipsi deprimerent. Existimabant, fuliginem, & tenebras suis inductum iri, si de nostratibus uerba facerent. Sciebant enim terram Gallicã populi uirtute omnium præstantissimam, uini quoq; gloria nõ esse inferiorem, imò & feliciorem multò. Propterea hoc uelut conniuentes prætermiserunt: quum tamen sit in confesso Belnensibus, Niuernis, Andegauensibus, Aurelianis, Parrhisinis meliora non reperiri, etiam si exotica omnia conferre libeat.

Sed iam nostræ copię finem faciamus. Nam tametsi cursim omnia, & uelut per transennam attigerimus, remq; omnem leui (quod aiunt) brachio excusserimus, tatis tamen hæc ipsis etiam literarum helluonibus fore confido. Quod si quis rem parum accurate dicat curatam, curet curiosius. Habebit saltem, ubi doctrinæ suæ, & eloquentiæ neruos exerceat.

LOCA DIVER-

SIS REBUS CA-

RENTIA.



CONGRVM uidetur, ut rerũ copiã subsequatur penuria. Propterea paucis narrare cõstitui, quibus locis quæq; res desint, ut animi pascatur uarietate, quæ tantũ uoluptatis cõsequit parere, quantũ ciborum diuersitas, mentis. Sed iam hãc rumpamus glaciẽ, & iter aperiamus lectori.

Insula est Carthaginem uersus, **Gauleegalata** nomine, cuius terra Scorpionem dirum animal Africæ necat.

Dicuntur & in **Clupea** emori scorpiones.

Nilus unus omnium fluminum nullas expirat auras. Plinius.

Sigaros Arabiæ est insula, quam canes non intrant. Expositiq; circum littora, errando moriuntur.

Tentyra insulæ Crocodili non adnatant, olfactuq; incolarum, serpentes fugantur.

Cervos Africa propemodū sola non gignit, nec etiam ursos.

Asinis (quod sint frigoris impatientes) carent **Pontus**, & **Scythia** regiones frigidissimæ.

In **Arabia** Suillum genus non uiuit in ullo genere, maxime in regione Scenitarum populorum.

Mustellæ in **Boeotiam** **Lebadiam** illatæ, solum ipsum fugiunt.

In **Ithaca** lepores illati moriuntur extremis quidem in littribus.

In **Ebuso**, Cuniculi non sunt.

In **Olympo** **Macedoniæ** monte non sunt lupi. Lupos quoq; non gignit **Anglia**, nec aliunde aduectos nutrit.

In **Creta** insula non sunt uulpes, nec ursi, nec ullum omnino maleficum animal præter **Phalangium**. Item non sunt **Cervi**, nec **apri**, nec **Attagenæ**, nec **Erinacei**.

Plinius ait in **Africa** nec esse apros, nec cervos, nec capreas, nec ursos.

Idem ait **Cornicem** nunquam **Athenis** aspici.

Hirundines **Thebarum** tecta non subeunt, quoniam urbs illa sæpius capta sit. Nec **Bizix** in **Thracia** cernuntur, propter scelera **Thesi**.

In **Creta** insula non sunt **Noctux**, & si qua inuecta sit, emoritur. **Rhodos** aquilam non habet.

Larius lacus est **Italiæ** **transpadanæ** ad quem **Ciconiæ** non transmeant.

In **Fidenate** agro iuxta **Romam**, **Ciconiæ**, nec nidū faciunt.

Picus Martius negatur esse in agro **Tarentino**.

Perdices non transuolant **Boeotiæ** fines in **Attica**.

Non est ulla avis in **Ponto** insula, in qua sepultus est **Achilles**.

Cerasi in **Aegypto**, nulla cura unquam potuere gigni.

Hedera non nascitur in **India**, nisi in monte **Mero**.

In **Aegypto** & **Syria**, reges inopia abietis, cedro ad classes feruntur uli.

Magudaris non prouenit in **Cyrenaica** regione.

Thymum herbam apibus gratissimam non habet **Arcadia**.

In **Carina** monte **Cretæ**, muscæ non reperiuntur.

Templum quoque **Herculis**, **Romæ** non ingrediebantur.

In **Aegypto** non nascitur **Hebenus** arbor.

Tinæ in **Thracia** & **Phrygia** non nascuntur.

India

acchoz agua otro franco q. se llama *de los* *se* *nos* *de*
chigolla y gana cada uno *un* *de* *velon*
de *cento* *en* *de* *cuenta* *del* *aguardo* *el* *de* *primer* *de* *Parag.*
de *la* *habida* *se* *pagaron* *och* *no* *se* *de* *la* *orden* *adon*
den *no* *de* *la* *cada* *un* *no* *se* *pagaron* *todos* *och* *no* *se*
quarenta *de* *la*.

[illegible]



Scilicet etiam per alios...
deinde...
imposita...
Ita selecta dedit ad eas...
de illis...
25
20

8958985



es de Francisco Xavier
del ofendido Porro
con Rio por mas
Señas. 91

colorchecker CLASSIC



calibrite

